


KASI ISE TICHITENGE

VICHI NA YESU UYU

WAKUTHYIKA KHRISTU?

 Ine nkikhumba kuti ndifulumire, chifukwa nkhumanya kuti imwe mose mwavuka chifukwa chakuwa mu tchalitchi, (nkhumuwongani imwe, bwana), pakuwamo mu tchalitchi muhanyauno. Ine nkikhumba kuti nditore waka mwaŵi uwu wa nyengo, nangauli, kurongora kuwonga kwa M'bale Demos Shakarian.

² [Patepi palije mazgu—Munozgi]. . .tindakumanepo ngati Wapentekoste, pa urongozgi wa magulu. Pali mphambano zinandi chomene. Kweni kuli malo ghamoza penepapo ise tiri navyo vinthu vimoza, pasi pa Ndopa za Yesu Khristu, apo ndipo ise tiri navyo vinthu vimoza. Iyo ndiyo nthowa ya Chiuta kuti ise tikumaniranepo, ndipera. Ndipo kulije malo ghanyekheso gheneagho Chiuta wakalayizga ghakuti wangakumaniranapo na munthu, pekha pasi pa Ndopa za kuthiskika.

³ Ine nkighanaghananga usiku wamara za m'bale withu, Oral Roberts, apo iyo wakayowoya fundo yakuziziswa yira kuno, za, “Kufumira mukati mu umuthu wakhe muzamkufuma mironga ya maji.” Mukuru. . .Umo iyo wakachinjizgira chira mukati, za, “kufumira mu nthumbo yakhe,” Ine nkighomezga iyo wakati, “jurani, mufumenge mironga iyi ya maji.”

⁴ Kasi imwe mukachiwonapo, iyi ndi mironga ya maji ghamoza? “Mironga,” yinandi; “maji,” ghamoza. Mironga ya maji ghanandi chara; kweni, “mironga ya maji,” Mzimu umoza. “Na Mzimu umoza ise tose tiri kubapatizikira mu Thupi limoza.” Kufumira mwa Iyo mukufuma uweme na uchizi wa Chiuta.

⁵ Ndipo sono, imwe wanthu wa ku California, ise tizamkuwa mu charu chino, kuyambira sabata yikwiza, ine nkighomezga, kudera kuno. Ndipo nthura kukhirira kusika kujumpha mu Georgia, Louisiana, Florida, kukhiriranga musi mpaka ise tikayambepo wa ku sirya nyanja.

⁶ Fumu yimutumbikani imwe, nkhanira. Ine nkighawonga madona ghachoko gheneagho ghayimbanga nyimbo, na wanthu awa waweme awo ine ndakumana nawo.

⁷ M'bale wachilendo uyu muno, M'bale Solomon King. Ine panji ningayowoya icho muujira. Ine ningamanya kughanaghana za Fumu Solomon, na kuzgorera waka ichi kosekose. Ilo lika wa zuwa lira; iyi ndi fumu yinyakhe, nayoso. Uwu mbunenesko.

Mwana wa Fumu, ndithu, uwu mbunenesko; mwana wa Fumu; wa fumu chara, *a* Fumu!

⁸ Para ine nkhalawiska pa ichi, ichi chikundikumbuska ine za kusika ku Mexico kuno, virimika vichoko vyajumphu mu Mzinda wa Mexico. Ise tikaŵa kwenekula usiku umoza, kula kukaŵa munthu wachibulumutira, usiku wamara, wakiza ku gome, wachibulumutira nkhanira kwa virimika vinandi. Ine nkhalawiska pa malundi ghakhe. Ine nkhayimirira penepara nkhavwara suti yiweme, skapato. Ine nkhalawiska pa ghakhe. Iyo wakaŵa wachibulumutira, wakavwara skapato chara, buluku lavizwazwa, wakayimirira pawaro apo mu vura yira. O, panyakhe sate sauzandi, panji kujumphirapo, kuyimirira uko mu vura, kuyegamirana yumoza na munyakhe, pambura mipando; ŵakaŵa penepara kufumira mlenji ula, kulindizganga waka kuti ŵakafike kula usiku ula. Ndipo kula kukaŵa munthu uyu wachibulumutira, wakapokera kulaŵiska kwakhe.

⁹ Ndipo usiku wakurondezgana nawo, ŵanandi, pafupifupi kaŵiri kukura kwa benchi ili, chirichose cheneicho ise tingamanya kuchizunura ichi, kweni penepapo waka pa gome, pakaŵa waka milu kutalika pafupifupi ngati ndi icho chikulendera pa katani iyo, vya mashawelo ghakale na makhoti, na vyeneivyo ŵanthu ŵakavwaranga ndipo ŵakavitaya pachanya para. “Mwakuti waka ise tingamanya kuchikhwaska ichi!”

Pafupifupi wose ŵakaŵa ŵa Katolika, nkhumanya, kula ku Mzinda wa Mexico.

¹⁰ Ndipo ine nkhanjira mukati, pakuŵa wa Protestant wakudanga mweneuyo wakafika ku ntchemo ya ŵasilikari. Iyo yikafumira kwa General Valdivia, mubwezi withu muweme muno, Full Gospel Business Men.

¹¹ Ine nkhekumbukira usiku ula, kula kukaŵa ntchemerezgo yikiza kufumira kuwaro. Ndipo mwana wane mwanarumi wakiza kwa ine, wakati, “ine ndiri na mndandanda wa ŵavwiri handiredi na fifite, panji kujumphirapo, ŵayimirira apo, ndipo iwo ŵakutondeka kumutorera kuwaro mwanakazi muchoko wa kufumira ku Spain. Iyo wali na mwana wakufwa, wangufwa mlenji uno.” Wakati, “Iwo ŵakutondeka kumutorera kuwaro mwanakazi.” Wakati, “Iyo wakakweranga pachanya pa misana yawo na chirichose.”

Ndipo ine nkhati, “Eya, chichizgani waka ichi.”

Iyo wakati, “ine ndirije chirichose chinyakhe chakuti ndimukakire nacho.”

Ine nkhati, “Mupasani iyo khadi la pemphero.”

Wakati, “ine ndirije limoza. Ighe ghaperekeka kale.”

¹² Ine nkhati, “M’bale Moore, imwe mulute mukamupempherere iyo,” ine nkhati, “chifukwa iyo

wakundimanya chara ine.” Ndipo ine nkhati, “Imwe mulute mukamupempherere iyo. Ndipo ine nditiyezgenge kupempherera mulu ukuru uwu wa vyakuvwara, mu nyengo yichoko waka.”

¹³ Ndipo apo ine nkhaŵa ndichali kuyimirira penepara, ine nkhalawiska kuseri kwa gulu ngati *ntheura*, ndipo panthazi zane pakaŵa bonda muchoko wa ku Mexico, wambura mino, kumwemweteranga waka, nkhanira kunthazi za ine. Ine nkhati, “Lindizgani miniti pera, M’bale Moore.”

¹⁴ Ndipo iwo ŵakiza nayo mwana muchoko. Ndipo mwanakazi yura wakanjira mukati, kuwa pasi na mphinjika mu woko lakhe. Ine nkhamuphalira, kwizira mwa m’bale, wakutanthauzira, kuti iyo wayimirire.

¹⁵ Ndipo ine nkhati, “M’bale Moore, ine nkhumanya chara kwali ichi ndicho, panji chara, kweni ine nawona mwana muchoko wakuyimirira uko kunthazi za ine, mu mboniwoni mwasonosono nthena, wakumwemwetera.”

¹⁶ Iyo wakaŵa nalo kusi kwa lichoko, bulangeti la mizere ya blu na yituŵa, lakuzumbwa waka nthena. Uku kukawanga vura. Iyi yikaŵa pafupifupi teni koloko usiku. Mwana wakafwa mlenji weneula, chamdera mu maeyiti koloko, panji nayini, mu ofesi ya dokotala, na chilaso. Ndipo *ntheura* iyo wakayimiriranga mu vura. Sisi lakhe lose likafika ku maso kwakhe, ndipo iyo wakaŵa mwana wakutowa chomene. Iyo wakawoneka kuŵa ngati, mwana wakhe wakudanga, mu virimika vyakhe vyakumayambiriro kwa twente. Ndipo mwana muchoko wakafwa.

¹⁷ Ndipo ine nkhaŵika waka mawoko ghane pa iyo, ndipo ine nkhati, “Fumu Yesu, ine nkchupulikiska chara ichi, kweni kwakulingana na mboniwoni iyo ine ndawona...” Ndipo kwambura kusazgirako ndikati ndayowoya chira, iyo wakasalanthuka ndipo wakalira, ndipo mwana muchoko wakaŵa wamoyo.

¹⁸ Ndipo ine nkhaŵa na M’bale Espinoza. Mbalinga ŵakumumanya Espinoza, M’bale Espinoza? Iyo ndiyo wakaŵa mweneuyo wakamutorera uyu ku ofesi ya dokotala, wakasanga kuti uwu ukaŵa unenesko, wonani, uwo mbunenesko, mwana wakafwa mlenji weneula, kuti ŵakhozgere makani.

¹⁹ Ndipo *ntheura* sono Iyo ndi Chiuta mweneyura pera muhanyauno, usange ise tingaŵa waka na chipulikano chimoza pera mwa Iyo. Uwo mbunenesko.

²⁰ Ŵadada ŵithu Mwakuchanya, titumizgirani ise chipulikano icho cha mwanakazi muchoko wa ku Mexico, muhanyauno. Iyo wakamuwona muchoko yura, munthu wachibulumutira wakuchizgika, usiku wajumpha. Kuyimirira kuwaro kula na mwana wakhe, mu kuzizima kula, mphepo yakuputa, uyu wakakoliwa na chilaso. Ndipo mlenji wakurondezgana nawo,

kumlenji, iyo wakafwira mu ofesi ya dokotala. Lingaliriro lakhe lakudanga likiza, “Usange Chiuta wangachizga maso ghakubulumutizgika, wangamanya kuvumbura visisi vya mu mtima, agha ndi Mazgu gha Chiuta ndithu, pakuti Mazgu gha Chiuta ghakusanda maghanoghano agho ghali mu mtima.” Ndipo iyo wakamanya kuti Iyo wakumanya kusanda maghanoghano agho ghakaŵa mu mtima wakhe. Iyo wakamugomezga Iyo, na kuti Iyo wakamanya kumuwuska Lazaro mu dindi, ndipo Iyo wakaŵa mweneyura pera mayiro, muhanyauno, na muyirayira. Iyo wakiza, ndipo Imwe mukamulipira iyo, Fumu, pakumuwezgeraso iyo mwana wakhe. Iyo wali na umoyo muhanyauno, ntheura ndimo ise tose tikumanyira. Ise tikumuwongani Imwe pa ichi.

²¹ Titumbikani ise, muhanyauno, Ŵadada. Tumbikani ŵanthu aŵa na mathaulo na vikhoti viri apa, navyoso. Ndipo mphanyi Mzimu Mutuŵa Winu wangukhira sono na kupereka Mazgu gha Chiuta kwa ise. Ise tikuromba mu Zina la Yesu. Amen.

²² Ine nkhumanya imwe mutiŵenge na ungano nyengo yichoko kufumira sono, panji fayivi koloko, ine nkhumomezga. Ndipo kanandinandi icho chingandipasa nyengo chara ine kuti ndiyambepo, kweni ine nkhuayenera—ine ndiri kutembenukako kufuma ku icho, ine ndimo nkughanaghanira, sono. Ine ndayezeska mwankhongono sabata iyi, na chigolomiro cha vironda, panji icho chikachitiranga vyose pamoza makora.

²³ Ine nkhaŵaphalira ŵanthu zuŵa linyakhe, ine—ine nkhaŵa na chipewa cha sisi, kweni ine nkhaŵa na soni kuti ndichivware ichi chifukwa ine nkhaŵazuzura chomene ŵazimayi za sisi lawo. Ndipo ine—ine nkhaŵa kuti sisi lane lawuskikako na mankhwara. Ndipo usiku unyakhe iwo ŵakawujura muryango ula, mphepo zichoko zikazungulira mwenemula, ndipo ine nkughanaghana kuti ine nditiwererengemo chara muhanyauno. Ine nkhati, “Usange Oral Roberts walimo muno, iyo wangamanya kuyimirira, usange iyo wangakhumba.” Iyo wachali wandawoneke, mwantheura ine nditiŵerengenge Lemba, ndipo imwe mundipempherere ine.

²⁴ Mateyu Mutuŵa, chipatulo 27, kuyambira vesi 11, ine nkhuukhumba kuŵerenga. Sono imwe tegherezgani mwatcheru nkhanira kukuŵerenga Mazgu. Chifukwa, mazgu ghane ndi mazgu gha munthu, igho ghatondekenge. Mazgu Ghakhe ghangatondeka chara, ntheura tegherezgani mwatcheru nkhanira apo ise tikuŵerenga.

²⁵ Ndipo pambere, apo imwe muchali kujura, ine nkhuukhumba kulengeza kuti m’bale withu, Oral Roberts, wazamkuŵa kusika ku Yerusalem, nayoso, Chinkhonde chikwiza nausiku, ntheura imwe mose mukukhumba kwiza. Imwe mukuti, “Nkhu?” Munyakhe wakati Florida ndicho chikaŵa charo chalayizgano, ine nkhusachizga ine ningachizunura Tucson, Yerusalem.

Phoenix wali mu dambo, wonani, ndipo Yeriko wakaŵa waka mudambo kufuma ku Yerusalemu. Ine ndizamkufumako chara kuno ngati ntheura, kasi ine ndizamkuchita? M'bale Oral Roberts wazamkuyowoya Chinkhonde chikwiza nausiku ndipo ine ndiri na chigomezgo kuti imwe mose muzamkukondwera kuzakamupulika iyo. Ise tizamkukondwera kuzakaŵa na imwe kwenekula.

²⁶ Chipatulo 27, vesi 11.

Ndipo Yesu wakayimirira panthazi pa mweruzgi; ndipo mweruzgi wakamufumba iyo, wakati, Kasi ndiwe Khristu wa Wayuda? Yesu wakati kwa iyo, Mwayowoya mwekha.

Ndipo para iyo wakati (na msofi) wakachomboreka na ŵasofi ŵarara na ŵarara, ndipo wa . . . ndipo wakazgora kalikose chara.

Ntheura Pirato wakati kwa iyo, Ukupulika chara iwe unandi wa vinthu vyeneivyo iwo ŵakukupanikizgira iwe?

Ndipo iyo wakamuzgora nanga ndi lizgu chara; mwakuti mweruzgi wakazukuma . . .

Sono pa ichi chiphikiro mweruzgi . . . wakazgoŵera kuŵasutirira iwo mukayidi, mweneuyo iwo ŵakamukhumbanga.

Ndipo ntheura iwo ŵakaŵa nayo mukayidi walumbiri, wakuthyika Baraba.

Ntheura para iwo ŵakati ŵawungana pamoza, Pirato wakati kwa iwo, Mukukhumba njani mweneuyo ine ndimusutulirani imwe? Baraba, panji Yesu mweneuyo wakuthyika Khristu?

Pakuti iyo wakamanya kuti chifukwa cha bina iwo ŵakamupereka iyo.

Apo iyo wakaŵa nkhanira pasi kughanaghanira pa ichi, wakakhala pasi pa mpando wakweruzgira, muwoli wakhe wakatuma kwa iyo, wakati, Ungachitanga . . . kalikose na munthu uyu murunji: chifukwa ine ndasuzgika vinthu vinandi zuŵa ili mu loto chifukwa cha iyo.

Kweni ŵasofi ŵarara na ŵarara, ŵakaukakatizga mzinda kuti iwo ŵarombe Baraba, ndipo ŵamukome Yesu.

Mweruzgi wakazgora ndipo wakati kwa iwo, kasi pa ŵawiri mukukhumba kuti ine ndimusuturirani njani imwe? Ndipo iwo wakati, Baraba.

Pirato wakati kwa iwo, Kasi ntheura ine ndichite vichi na uyu Yesu wakuthyika Khristu? Iwo wose wakati kwa iyo, Mulekani iyo wapayikike.

Ndipo mweruzgi wakati, . . . kasi wachita chiheni uli? Kweni iwo wakachemerezga kwakuruska, wakati, Mulekani iyo wapayikike.

. . . Pirato wakawona kuti iyo wangovwira kanthu chara, kweni kuti pakuti chitimbaheti ichi chikapangika, iyo wakatora maji, ndipo wakageza manja ghakhe pamaso pa gulu, wakati, ine ndilije murandu na ndopa za munthu murunji uyu: mukajiwonere mwaŵene ichi.

Ntheura wanthu wose wakazgora, ndipo wakati, ndopa Zakhe ziŵe pa ise, na pa ŵana ŵithu.

Ntheura iyo wakaŵasaturira iwo Baraba: ndipo para wakati wamuthyapula Yesu, iyo wakamupereka kuti iyo wapayikike.

²⁷ Chisambizgo chane muhanyauno, usange ine ningamanya kuchithya ichi kuti, pa maminiti ghanyakhe ghakurondezgana khumi na ghatatu, ntchakuti: *Kasi Ise Tichitenge Vichi Na Yesu Uyu Wakuthyika Khristu?* Ndipo ntheura ine ninkhumbenge kuti ine ndiyowoye ichi, nachoso, “Yesu pa mawoko ghithu.”

²⁸ Sono, ine nkhuomezga kuti ora kwenekuko nkhani yithu yikuyambira, yiri apa pafupifupi na muhanya, mu nyumba yakweruzgira ya Pirato. Ndipo iyi njimoza ya nyengo zachitima chomene, ndiposo njimoza ya nyengo zakofya chomene, mu mbiri yose. Uku kukaŵa kunangiska kukuru chomene kweneuko mpingo ukapanga mu mbiri yakhe. Iwo wakachipanga waka ichi, ndipo sono ichi chaponyeka mu mawoko gha mweruzgi, boma. Vyose mpingo na charu, chifukwa iwo wakaŵa wanthu wakusankhika na Chiuta, kuchemeka kuzakaŵa wazga Wakhe, ndipo mtundu ukayenera kuti ulamulirike na marango gha Chiuta.

²⁹ Ndipo mpingo ukamukana Mesiya wawo. Nangauli Iyo wakamanyikwa makora ghene kwa iwo, iwo wakasankha kuti wakahale na midauko ya walara wa nyengo yira, m'malo mwakugomezga ghakuzozgeka, Mazgu ghakukhozgeka gheneagho Chiuta wakaŵalayizgira iwo virimika mahandiredi, kuti vifike.

³⁰ Kasi imwe mwanguwona, igho ghakachimaso kuti iwo wakamkubulumutizgika? Iwo wakatondeka kuchipulikiska ichi, na umo iwo wangamanya kubulumutizgikira, kweni iwo wakaŵa.

³¹ Ndipo iwo wakapanga kunangiska kwawo kukuru, ndipo zuŵa ili iwo wakapanga chiwoneskero chawo chaumaliro cha ichi. Ndipo sono ichi chiri mu mawoko gha boma,

ndipo sono boma likwenera kuti lipange kusankha kwakhe. Mipingo yikamukana kale Iyo, nangauli Chiuta wakakhozgera makoragheni kuti Iyo wakaŵa Mesiya wawo.

³² Sono ine nkhuumba kuti nditore nyengo yichoko waka pambere ise tindafike ku ichi, ku chakurondezgana na vinyakhe, vyeneivyo ine ndanozgera ndavilemba apa za ichi. Kasi ŵanthu ŵara ŵakatondeka uli kuchiwona ichi? Chinthu chimoza Lemba likuyowoya pakweru nkhanira, “Iwo ŵakaŵa ŵakubulumutizgika.” Kweni ichi ntchinonono kuŵapanga iwo kuti ŵapulikiske kuti iwo ŵakaŵa ŵakubulumutizgika, unonono ngati ndiumo kuliri muhanyauno.

³³ Para, Baibolo likutiphallira ise kuti mphapu iyi yiri “nkhuli, yachitima, yikavu, ndipo yachibulumutira, ndipo yikumanya chara ichi.” Sono, ilo ndi Lemba. Sono imwe mutiphallire ise ŵanthu Ŵachimerika kuti tiri ŵachibulumutira, ise timuphaliraninge imwe mwaluŵiro nkhanira kuti imwe mukumanya chara icho imwe mukuyowoya.

³⁴ Kweni ine ndimutoreraninge imwe ku mlandu mise ghano, panikizgani usange ise tiri ŵachibulumutira panji chara. Ndipo ise tiri na Yesu pa mlandu, mise ghano, ndipo Ndopa Zakhe mu mawoko ghithu, ndipo ise tikukhumba kuti tiwone icho ise tichitenge na ichi. Kasi ise tipangenge kunangiska kuheni kweneuko iwo ŵakapanga kale?

³⁵ Wonani icho chikachitika. Iyo wakamanyikwa makora nkhanira, ndipo wakakwaniriska udindo wenuwo Chiuta wakayowoya kuti Iyo wazamkukwaniriska, ngati ndi Mesiya. Pakaŵavye fumbo za ichi. Pakuti, Iyo wakababika munthowa yeneiyo Chiuta wakayowoyera Iyo wati wababikirengemo. Iyo wakakanika munthowa yeneiyo Chiuta wakayowoyero kuti Iyo wazamkukanikira. Iyo wakajikhozgera Iyomwene kuŵa Mesiya, chifukwa Mesiya wakaŵa Chiuta. *Mesiya* chikung’anamura “iyo wakuzozgeka.” Ndipo Iyo wakazozgeka na—na uzali wa Uchiuta, kukhala mu thupi mwa Iyo. Iyo wakaŵa waka muprofeti chara. Ndipouli, Iyo wakaŵa muprofeti, kweni Iyo wakaŵa wakuruska muprofeti. Iyo wakaŵa Uchiuta kukhala mu thupi la munthu wakumanyikwa ngati ndi Mwana wa Chiuta. Chiuta, Ŵadada, ŵakamuphimba mwali ndipo ŵakalenga mwa iyo, Ndopa, mu nthumbo yakhe, khungu la Ndopa, leneilo likababa Mwana wa Chiuta, mwenemumo Chiuta wakakhalangamo.

³⁶ Ndipo Iyo wakamanyikwa kwa iwo, ngati Mweneuyo Iyo wakayowoyera Iyo wakaŵira, kweni Iyo wakiza pakweru chara kuzakaŵaphallira iwo, “Ine ndine Mwana wa Chiuta.” Chara, chara. Iwo ŵakwenera kugomezga chira. Iyo wakati, “Mazgu Ghane ghakuphara Mweneuyo Ine ndiri.” Iyo wakaŵalangulira iwo, “Laŵiskani mu Malemba,” na kuwona ndi zuŵa uli leneilo iwo ŵakakhalangamo, mwantheura iwo ŵakati ŵamanyenge cheneicho Iyo wakaŵa.

37 Ine nkughanaghana ichi chingamanya kutikakamizga ise kuti tichite ichi, apo ise tikuwona kufuma kunyakhe kuli pafupi. Ine nkughanaghana ise tikwenera kulaŵiska, na kupenja Malemba, apo ise tikuwona vinthu vikuchitika.

38 Ise nthaura tikuwona kuti mpingo ukapanga kusankha kwakhe, kuti iwo ŵakakhumbanga kuchita kalikose chara na Iyo. Chifukwa, apo Mazgu ghakamumanyiska makora ghene Iyo, ndipo milimo Yakhe yikakhozgera kuti Iyo wakaŵa Mesiya? Chanthaura icho, chinthu chakofya, kunangiska, kweneuko mpingo ula ukachita!

39 Ndipo ine nkhezizwa usange ichi chingaŵa chamachitiko kuti ise tingamanya kuchita kwananga kwenekula? Iwo ŵakapika mwaŵi wawo waumaliro kuti ŵawone cheneicho Iyo wakaŵa, na kuchipokerera ichi. Sono, imwe nyengozose muŵenge na mwaŵi chara kupokerera icho Chiuta watuma. Wonani, kuzizipizga kwakhe paumaliro kukumara, ndipo nthaura imwe mukujumpha mzere ula pakatikati pa uchizi na cheruzgo. Kuliye chinyakhe chikukhalako kweni cheruzgo para kuzizipizga kwa Chiuta kwaumaliro kwamara.

40 Kweni iwo ŵakapika mwaŵi uwu, ndipo ŵakamuwona Iyo wakujimanyiska Iyomwene, ŵakamuwona Iyo pa chisime na mwanakazi, ndipo wakamuphalira iyo kuti wakaŵa na ŵanarumi ŵankhonde. Wakamuwona Nathaniel wakwiza kwa Iyo, para Filipu wakati waluta ndipo wakiza na Nathaniel Panthazi Pakhe, ndipo Iyo wakayowoya na kumuphalira pakweru cheneicho iyo wakaŵa na uko iyo wakafumira. Wakamuphalira Simon Petros icho ŵawiske ŵakaŵa, na icho zina lawo likaŵa. Ndipo iwo ŵakaŵa na muprofeti chara kwa virimika mahandiredi.

41 Ndipo nanga ndi yura mwanakazi muchoko muzaghali wakaghamanya Mazgu gha Chiuta. Iyo wakatimbanizgika chara mu chinthu chinyakhe. Iyo, iyo, enya, malingaliro ghakhe ntha ghakatimbanizgika ghose, cheneicho ise tingamanya kuchizunura, usange imwe mungamanya kukagowokera kayowoyero kufumira ku ichi, “kuhangayika,” kuchimbira *apa* na kuchimbira *uko*. Ighe ghakaŵa malingaliro gha mwali, ngati ndiumo icho chikuŵira. Iyo wakati, “Ise tikumanya Mesiya watizenge, ndipo icho ndicho Iyo wazamkuchita.”

Ndipo Iyo wakati, “Ine ndine Iyo.”

42 Ndipo mwaluŵiro iyo wakachimbira, wakaŵaphalira ŵanthu mu mzinda, “Zaninge, muzakamuwone Iyo, uyu ndiyo Mesiya.”

43 Chifukwa, iwo ŵasambizgi na ŵanthu ŵa nyengo yira ŵakatondeka kuti ŵachiwone chira. Ichi chikuŵa, ichi chingaŵa chinonono kuti muwone usange imwe mukughamanya chara Malemba. Kweni Lemba likati, “Iwo ŵakabulumutizgika.” Iwo ŵakabulumutizgika nadi. Kweni iwo ŵakasankha, mphanyiko,

m'malo mwa yura Yesu wakutemweka pa...Ise tikupulika kuchemerezga kukapulikikwa, "Mupayikeni Iyo."

44 Pirato wakati, "Kasi ine ndichite vichi na uyu Yesu mweneuyo ngwakuthyika Khristu?"

Iwo wakati, "Tikumukhumba chara Iyo! Mupayikeni Iyo!"

"Kasi ine ndimusutulirani njani imwe, Baraba panji Yesu?"

45 Ndipo iwo wakapanga kwananga kuheni pakusankha wakukoma m'malo mwa wakupereka-Umoyo. Yumoza mweneuyo wakamanyikwa ngati ngwakupereka-Umoyo, iwo wakasankha wakukoma mweneuyo wakumanyikwa ngati ngwakutora-umoyo. Nkhususkana uli uku! Ndipo ine nkhezizwa usange...

46 Ine nkhuoyoya ichi na ntchindi zose za uchiuta ku wakale wane na wakadumbo wane, na ku wanarumi na wanakazi wa nyengo iyi, weneawo ine nkhuwapharazgira, na chitemwa nu mtima wane ku wanthu wose: ine nkhezizwa usange ise tiri kufupi chara kuti tiwone chinthu chimozimozi ngati ndi cheneicho iwo wakawona kale! Boma likakhwaskika mwa ichi, ndipo nkhanu yikayambika. Nkhanu iyi yikwenera kukhazikiskika. Iyi yikafika pa chiwoneskero.

47 Ntheura ndimo ichi chawiraso muhanyauno, ntheuraso ndimo ichi chiliri mu ora ili! Chiwoneskero chiliko! Chinyakhe chikwenera kuti chichitike, imwe mukwenera kuti muyowoye "enya" panji "chara." Kweni, kumbukirani, ichi chizamkuwa para imwe mwachita kuchichizgika kuchita ichi chara. Imwe mukwenera kuchita ichi kwambura kuchita kuchichizgika kwino sono. Sono! Para nyengo yira yikukwana chara; para ichi chachitika, ichi mbwenu chajumpha. Sono! Ili panji lingawa zuwa laumaliro leneilo imwe mungawa na nyengo yakuti mupange chisora. Imwe mungazakachita chara pa nyengo yira, imwe mwatora kale ichi; ichi chiri kutali chomene, na nyengo yira. Imwe mukwenera kuchita ichi sono. Lekani kulindizgani mpaka miniti yaumaliro, chifukwa boti linyamukenge ndipo limulekaninge imwe. Miryango yizamkujarika.

48 Wanthu wanandi nthena wakawamo mu ngarawa usange iwo wakanjirengemo mukati mula, para vura yikati yayamba kurokwa. Kweni ichi chikapangika, Ivangeli likapharazgika, vimanyikwiro vikarongoreka; ndipo nyengo yikamara, vura ntheura yikarokwanga, cheruzgo chikafika.

49 Sono, mtundu ukayenera kumukana Iyo, chifukwa chakuti uwu ukazunurika, nga ndiumo ise tingazunurira muhanyauno, "mtundu wa Chikhristu," ngati ndiumo uwu ukazunurikira mtundu wa Chikhristu. Ipo, usange uwu ukazunurika mtundu wa Yehova, wanthu Wakhe wakusankhika, mwantheura mtundu wose ukayenera kuti umukane Iyo. Mpingo ukaawa kuti wamukane kale Iyo. Mpingo ukamukankhira Iyo kuwaro. Iwo

ŵakakhumbanga kuchita nayo kalikose chara Iyo, kweni sono boma likukhwaskika mu ichi.

⁵⁰ Ntheura ndiko kuti ichi chawereraso, ichi chiriso nkhanira mu chipakato, na Lemba kugona apa, kumanyikwa, kuyana waka na icho Yesu wakayowoya kuti chizamkuchitika. Kasi ntchifukwa uli ise tikugwedezgeka mu nyengo za mdima? Kasi ntchifukwa uli ise tikuzomerezga ichi kuti chifike pa ise, apo ise tachenjezgeka makora nkhanira? Ngati ndiumo mukaŵira mu mazuŵa gha Lot, ise tikuwona chinthu chantheura pera. Yehova wakhazikiska chakuchitika, ndipo watiphalira ise, “Ngati ndiumo mukaŵira mu mazuŵa gha Lot!” Imwe mukuŵawona ŵatumiki kutali uko mu Babulone, kuyezga kumutorera Lot kuwaro; ndipo imwe mukuwuwona Uthenga ku Wakusoreka, Abraham, mweneuyo wakaŵa kale kuwaro. Ndipo, chirichose, ndendende, kuti tizunure, malo, na nyengo, chakhala chakumanyiskika makora ghene.

⁵¹ Kweni sono icho chiri mu mawoko gha boma. Boma likwenera kuti lichisuske ichi sono, ndipo iwo ŵatichitenge ichi. Mungenjerwanga za icho. Uwu ndi mtundu wa Chikhristu, uwu ukwenera kutora kuyima kwakhe kwa Chikhristu, usange uwu ndiwo. Chiwoneskero chiri mkati.

⁵² Mtundu wose ukayenera kuti utorekere mu cheruzgo. Chifukwa, ichi chikachitika mudara mu A.D. 70, apo wankhondo mukuru wa Chiroma, Tito, wakazingirizga Yerusalem, mudara mu A.D. 70, na ŵankhondo ŵakhe kufumira ku Rome, ndipo kula iwo ŵakalipira mtengo chifukwa chamukana Iyo.

⁵³ Muhanyauno, apo ise tikulaŵiska pa mlandu kula, ndipo ise tikufumira kuwaro kuno na kukayezgerera ichi mu nthowa zakupambanapambana, za viyezgo pa Chinkhonde Chiweme, na kuyowoya za ichi, na vinthu. Ndipo chinthu chimoza cheicho ise tikuyowoya za ichi, cheneicho chikachitika pa Chinkhonde Chiweme, chiri nkhanira kusi kwa mphuno zithu muhanyauno! Ndipo ŵarara ŵithu ŵakuchita chinthu cheneicho iwo ŵakachita, kuchitorera ichi nkhanira pa mlandu wakuyana, pamanyuma pakuti Mazgu ghalayizgano ghakuyana na gha zuŵa ili ghakhozgeka waka mwakuyana ngati ndiumo igho ghakakhozgekerera kula.

⁵⁴ Yesu, “mwana wamba wa kalipenta,” ndimo wakaghanaghanikira. Iyo wakaŵa Mazgu gha Chiuta ghakuzgoka thupi. Ndipo Iyo wakamanyikwa nkhanira, chifukwa milimo ya Chiuta yikajiwoneskera yekha mwa Iyo, na kukhozgera kuti Iyo wakaŵa Mesiya.

⁵⁵ Ndipo, muhanyauno, mlandu wantheura ula wafikaso, apo Mzimu Mutuŵa wafika pa ise mu mazuŵa ghaumaliro na kujimanyiska Iwowekeha nkhanira mu mpingo, ndipo wakhozgera milimo yenyira Iyo wakachita apo Iyo wakaŵa kuno mu uzali pa Yesu Khristu. Iyo wakachita chinthu

chimozimozi pa Mwali, kuchita chinthu chimozimozi, ndipouli ise tikukhumba ndithu kuwuskapo Uwu.

⁵⁶ Kumbukirani, agha ndi matepi agho ghakupangika sono, gheneagho ghakuluta charu chose, ku Phoenix pera kuno chara. Ine nkhuwoyoya ku hafu ya charu, pa nyengo iyi, chifukwa ise tiri na wakujobura matepi gheneagho ghakuluta charu chose zingirizge.

⁵⁷ Wonani, muhanyauno ise tiri na mlandu wakuyana, pamanyuma pa Mazgu agho ghakumanyikwa. Wahebere 13:8, “Yesu khristu mweneyura pera mayiro, muhanyauno, na muyirayira.” Yohane Mutuwa 14:12, “Uyo wakupulikana na Ine, milimo iyo Ine nkuchita iyo wazamkuchita nayoso.” Mateyu 28, “charu chose, pharazgani Ivangeli ku chilengiwa chirichose.” “Henani, kanyengo kachoko ndipo charu chizamkundiwonaso Ine chara; ndipouli imwe muzamkundiwona Ine, pakuti Ine ndizamkuwa na imwe, nanga ndi mwa imwe, mpaka ku umaliro wa migonezi.” Yesu Khristu mweneyura pera mayiro, muhanyauno, na muyirayira!”

⁵⁸ Iwo wasankha muhanyauno, wakukoma pera chara, kweniso wakukoma Mazgu, munyakhe wakukoma kwa mweneyura wa pakudanga.

⁵⁹ Para iwo, wapostole wakapharazganga Ivangeli, ndipo ukafika kwizira mwa Irenaeus, na wanandi wakuruwakuru wakusinthavinthu na wakwambiska mu muwiro wakuyambirira, uwu ukiza ku Nicaea, nyengo yimoza, ku chiwoneskero, ndipo iwo wakasankha kuti wapange mpingo umoza, kuti wachichizge wanthu kuti wafike ku makhumbiro ghawo. Wanandi awo wali kuwerengapo mbiri kwenekula, wakumanya waprofeti wanandi wakale wakiza kula na vikumba vya nyama kuwavungirizga iwo, kuryanga mphangwe zekha na vinthu, ndipo iwo wakayezga kuti wakoreske Mazgu ghara, kukoreska Mazgu ghara gha Chiuta. Kweni kasi iwo wakachita vichi mazuwa ghara khumi na ghankhonde gha ndopa za ndyare? Iwo pauamliro wakasankha kuti wapange mpingo umoza, na kubatikako chikunja chinyakhe na Chikhristu, na kuchikhazikiska ichi ngati mpingo umoza.

⁶⁰ Ndipo, muhanyauno, Waprotestant wakujiponya iwo wekha pamoza mu Wupu Ukuru, kuchita chinthu chimozimozi, kubatikako mudauko wa munthu, ndipo m'malo mwakutora Mazgu gha Chiuta gheneagho ngakumanyikwa makora mwa Mzimu Mutuwa, kuti Iyo ndi mweneyura pera mayiro, muhanyauno, na muyirayira. Mpingo wayimirira pakatikati, muhanyauno, ndipo uwu wasangika ukusoferwa. Imwe mwawereraso mu nyumba ya cheruzgo ya Pirato. Enya, bwana.

⁶¹ Kasi uwu ukuchita vichi? Uwu ukupanga chikozgo cha ku chikoko. Uwu ndi unyakhe wa Rome. Para wupu wa Nkhumano ukuchichizga, ndipo utichichizgenge bungwe lililose

la Protestant kunjira mwa uwu; ndipo nadidi wose uwu uliko kula sono, Full Gospel na wose. Ora lizamkufika apo iwo wose wâkwenera kuti wâfike panji kukhala kuwaro, ndipo, pa nyengo yira, para kuchichizga kula kwafika, imwe ndikokuti mwajimanyiska kale mwaŵene ku lusimbo lwa chikoko. Sono, uwo mbunenesko.

⁶² Kasi ichi ntchichi? Muzaghali wa Protestant na wanyina wâkale, Rome, muzaghali! Chivumbuzi 17 wakati iyo wakaŵa, “NYINAWO WA WAZAGHALI,” mbunenesko, mabungwe gha Protestant; kukolerera mu woko lakhe kapu ya ukali wa—wa Chiuta, chifukwa cha chiphikiro chakhe, ukaboni wakhe, “*ichi* ndicho ise tikugomezga,” ndipo waliyose, “*ichi*, ndicho ise tikugomezga.”

⁶³ *Apa* pali icho Mpingo ukwenera kugomezga, Mazgu gha Chiuta, “ndipo lekani lizgu lose la munthu liŵe litesi.” Icho ndimo chikwenera kuti chiŵirenge.

⁶⁴ Kweni ise tikumutoreraso Khristu ku ora lira lakofya leneilo Iyo wakayimiramo, mu nyumba ya kweruzgiramo ya Pirato; mwachitima, kagulu kachoko kakasezgekera ku lwandi limoza, na mutu wakusindama. Mabungwe ghanyakhe ghakaŵakana iwo, kuŵakana iwo, na kuŵarazgira nk'honyoro, na kunena, “Mungaŵanga na kalikose kakuchitita na Ichi!” Ntchiweme imwe mulaŵiske ku Mazgu. Sono ise tikusanga kuti, Wupu wa Charu chose uliko. Kasi uwu ukuchita vichi? Uwu, Baibolo . . .

Imwe mukuti, “Kasi Baibolo likuyowoyapo za icho?” Enya.

⁶⁵ “Wakuŵa na kaŵiro kakusopa, kweni wâkukana Nkhongono nthaura.” Wachibulumutira, wankhuli, wâkwenda-kutchalitchi, wakuŵa na kaŵiro kakusopa, kweni wâkukana Nkhongono ya Mzimu Mutuŵa weneuwo ukupanikizgira Yesu Khristu ku Mazgu Ghakhe. Kasi munthu wangayowoya uli kuti wali na Mzimu Mutuŵa na kughakana Mazgu gheneagho ndi Mzimu Mutuŵa? Kasi munthu wangachita uli icho? Chakuyowoya chakhe yekha chikupereka ukaboni kuti iyo wali icho iyo wakwenera kuŵa chara, kuchita chigoloro chazimu, kukana Nkhongono ya Chiuta. Paulos wakati, mu Timote wachiŵiri, chipatulo 3, kuti icho ndimo chizamkuŵira, wakati, “Wâkujitukumura, wâkujikwezga-muchanya!”

⁶⁶ “Ine ndiri na digiri ya udokotala, ph.D., LL.D.” Kwa ine, uko nkhuŵa kutali na Chiuta kuruska apo imwe mukayambira. Enya, bwana. Icho chikumutorerani imwe kutali na Chiuta, chikumutorerani imwe kwa Chiuta chara. Chinthu chimoza pera icho chingamutorerani imwe kwa Chiuta, ndipo uwu ndi Mzimu Mutuŵa, mwa Mazgu Ghakhe.

⁶⁷ Mzimu Mutuŵa ndiyo murongozgi. Nyenyezi ya Kumpoto ndiyo ndi Mazgu. Ndipo kampasi yikumurongorani kwekha ku Nyenyezi ya Kumpoto. Ndipo Mzimu Mutuŵa uzamkumurongozgerani imwe ku Mazgu pera, chinyakhe

chakuyendeskeka na gulu chara, bungwe linyakhe chara, kweni Mazgu gha Chiuta. Kumbukirani, nyenyezi zinyakhe zose zikusezgekera pamoza na charu, kweni Nyenyezi ya Kumpoto yikukhalirira, chifukwa iyo yiri pakatikati. Ndipo lizgu lirilose la munthu lizamkutondeka, kweni Mazgu gha Chiuta ghangatondeka chara. Iyi ndi Nyenyezi ya Kumpoto, pakatikati, Iyi yizamkusezgekera pamoza na charu chara. Kwambura kupwererako uko charu chiri, Igho ghakukhalirira gheneghara pera mayiro, muhanyauno, na muyirayira. Ndipo Iyo ndi Mazgu!

⁶⁸ M'bale na mdumbu, ine nkhumuŵeyani imwe, mu Zina la Yesu, kuti muchighanaghanire Ichi. Imwe mwandigomezga ine mu vyose vyeneivyo ine ndayowoya mu virimika ivi. Usange Chiuta wakhozgera ivyo ine ndayowoya kuti vyaŵa vya Unenesko, ine chara, agha ndi Mazgu Ghakhe agho ghachita ichi, nthaura ine nkhumuŵeyani imwe, mu Zina la Yesu, kuti mulaŵiske pa Ichi. Mungaŵanga ŵachibulumutitra ku vinthu ivi; ichi chiri nkhanira pa imwe.

⁶⁹ Ndipo kumbukirani, Baibolo likati, mu Mateyu 24:24, kuti wose awo mazina ghakalebeka chara mu Bukhu la Mwana Mberere Wamoyo, kufumira ku lufura lwa charu, ŵazamkutora lusimbo ulu. Ŵekha pera Ŵakusoreka, ŵeneawo ŵali kwimikika kuti ŵachiwone Ichi, ŵati ŵachiwonenge Ichi. Ŵanyakhe wose ŵa iwo ŵazamkuchiphonya Ichi na mamayilozi miliyoni.

⁷⁰ Ise tikuchiwona chinthu chikuru ichi chikukhazikiskika sono, chida chikuru cha Satana chakhazikiskika mu malo mwakhe. Chinthu chimoza pera cheneicho chikukhumbikwa... Ichi chiri nazo zida, ichi chikulindizga waka nkhangono zakhe kuti chipangiske ichi kuyenda. Kuyenda nkhuwa gulu lose, wupu ukuru na chinthu. Chida chikuru chakhala apo, kweni iwo ŵakulindizga ora apo chijariro chikhirirenge pasi, ndipo mwantheura iwo ŵangamanya kukwaniriska ichi, na kuchikakamizga ichi, kuchipanga ichi kuŵa dango. Laŵiskani pa vyakulengeza na vinthu ise tikuvipulika muhanyauno, pa rediyo na ma nyuzipepara. Chifukwa, ichi chiri nkhanira pa imwe sono.

⁷¹ Ise tirije nyengo yakuti tichitire chinyakhe chirichose kweni kumupokerera Yesu Khristu. Iyo wamanyiskika makora nkhanira.

⁷² Tegherezgani, ise tikuyowoya za chida chikuru cha Satana kumtunda kula, chanozgekera kuti chiyende, uwombunenesko, kuti chiphwasulire pasi; kweni, kumbukirani, muskambo uchoko wa Chiuta weneuwo ukugomezga Mazgu, zida zakhe nayo nzakunozgeka. Uwu wanozgekera kuti Nkhongono zipangiske ichi kuyenda na Mzimu Mutuŵa. "Mantha chara, mwatwana twane, ndi uweme wa ŵadada Ŵinu uti umupaninge imwe Ufumu." Mzimu Mutuŵa uzamkuisimiska

Mpingo uchoko weneuwo wafumako ku charu, wanakazi awo wakusunga sisi litali, Nazariti, kukhozgera kuti iwo wali kujipaturako wêkha ku . . .

⁷³ Mu Nazariti ndi yumoza mweneuyo. . . Vichi? Yumoza mweneuyo wakujipatulira wêkha, ku Mazgu gha Chiuta; kuvwara malaya-ghafupi chara, nkhope za kupenta, Wajezebeli, kujizunura iwo wene Wakhristu; chara, bwana, nkhanira wakupere wera-mzimu, weneawo watigomezgenge bungwe, na kudemereranga ku kachitiro kawo, ka Kesare munyakhe panji Herodi, m' malo mwakugomezga Mazgu gha Chiuta. Chiuta wali nawo wanthu wakumupulikira, muskambo weneko wa Chiuta, weneuwo ukupwerera chara icho charu chikuyowoya. Iwo wakugomezga kuti Yesu Khristu ndi mweneyura pera mayiro, muhanyauno, na muyirayira.

⁷⁴ Uku ndi kutchuka chara. Ichi chikumupangiskani imwe wambura kutchuka, kwenu uwo ndi Unenesko! Ili ndi langulo la Chiuta kuti ichi chichitike, ndipo Chiuta wachitenge ichi. Chiuta wamutumbikani imwe. Nkhung'anamura kumunyogodolani imwe chara, kwenu kumuchenjezani imwe. Ntchiweme ku wawuka kuruska kupsya, pa nyengo yiriyose, mwantheura torani ntchenjezo. Mzimu Mutuwa ukuyowoya mu mazuwa agha ghaumaliro.

⁷⁵ Wose weneawo wali kulembeka mu Bukhu wachigwenthenge ichi. Sono ise tikusanga kuti, muskambo uchoko ngwakunozgekera Nkhongono kuti ukwezgera Uwu muchanya mu mlengalenga, kuti ugwenthe suzgo yose iyi.

⁷⁶ Munyakhe wakati, zuwa linyakhe apo ine nkhayowoyanga, wakati, "M'bale Branham, imwe mukugomezga chara mwantheura kuti mpingo uzamkuyendera mu suzgo?"

⁷⁷ Ine nkhati, "ine nkugomezga mpingo uzamkujumphamo, kwenu Mwali chara." Mpingo uzamkujumphamo mu suzgo, enya, bwana, kwenu Mwali ndi mwanangwa ku ichi. Iyo wazamkuluta mu Mkwatulo, mu kanyengo, mu kuphayira kwa jiso. Iyo wazamkukwapulikira muchanya kuti wakakumane na Fumu mu mlengalenga, ku chiphikiro cha Nthengwa. Iyo waliye vyakuti walute kuyendera mu suzgo yiriyose; Fumu yakhe yaripira mtengo wakhe. Ise tiri wakuwonga nkhanira chifukwa cha icho. Enya, bwana.

⁷⁸ Pamanyuma pakukana, kwa mpingo wose na mtundu, kukiza kulira kumozza pera, chinthu chakurondezgana nacho, chikawa, "Chifumiskaniko Ichi!"

⁷⁹ Uko nkholira kwakurondezgana kweneuko ise tiri nako. Mpingo wasimikizga pakuwukana Mzimu Mutuwa. Ise tikumanya uwo wakana. O, mamembara ghafumira kuwaro kwa chirichose, iyo ndi ntchemo yikuru, Presbetere, Methodist, Baptist, Lutheran; kwenu mpingo, wêkha, bungwe, uwo ungasuntha chara. Chara, bwana. Uwo wapanga kale

bungwe. Kasi ndi chinthu uli kwa uwu sono? “Upayikani Uwu! Upayikani Uwu!” Vichi? Kupayika, kachiwiri, (vichi?) Mazgu ghakukhozgeka, kuwa Unenesko. Mazgu gha Chiuta, kupayikika, kachiwiri. Ngati ndiumo Heva wakatimbanizgira charu chose cha pasi, mwakuchita kukana lizgu limoza la Mazgu gha Chiuta, nthaura ndimo mpingo wachitira chinthu chantheura pera.

⁸⁰ Imwe mungamanya kuyowoya kwa ine, “M’bale Branham, imwe muli na kutanthauzira kwaujira kwa Ichi.” Enya, uko nkulingalirira kwinu.

⁸¹ Chiuta wakukhumba wakutanthauzira chara. Chiuta wakujitanthauzira Iyoyekha. Ilo ndilo ndi suzgo la ichi, muhanyauno, ise tiri na wanandi chomene wanthu-wakujipanga kuwa wakutanthauzira. Chiuta wangamanya kutanthauzira, Iyomwene. Kukhozgeka Kwakhe kwa Mazgu Ghakhe ndiko kutanthauzira.

⁸² Panji Wafarisi wakachemerezga, nawoso, “Ise tiri nako kutanthauzira!” Wasaduki wakuti, “Ise tiri nako Uku!” Kweni Yesu waka wa kutanthauzira. Amen.

⁸³ Kuwonekera kwa nkhangono yakuvumbukwa ya Chiuta, phangano, ndiko kukhozgera. Werengani Malemba ndipo imwe muwone cheneicho mpingo ukwenera kuti uwe muhanyauno. Enya, bwana. Chiuta wakukhumba wakutanthauzira waliyose chara.

⁸⁴ Icho ndicho iwo wakachita kwa Yesu. Iwo wakasanga kuti, kunyuma kula, kuti iwo wakaghanaghana Iyo waka wavye wakutanthauzira. Iyo waka wa kutanthauzira. Chiuta wakayenera kuti watanthauzire Ichi chara. Umoyo wa Yesu ukatanthauzira. Iyo wakati, “Sandani Malemba, pakuti mwa Igho imwe mukughanaghana kuti imwe muli nawo Umoyo Wamuyirayira; Igho ndi gheneawo ghakuyowoya za Ine. Ndipo usange Ine nkuchita chara milimo ya Wadada Wane, nthaura muleke kundigomezga Ine. Usange milimo yeneiyo yikayowoyeka za zuwa ili, yikuwonekera chara Iyoyekha mwa Ine.” Iyo wakati, “nthaura imwe muleke kuchigomezga ichi.”

⁸⁵ Kasi iwo wakachita ichi? Chiuta wakati, “Mwali wazamkuyima,” ndipo iyo wakayima! Kasi imwe mukuchigomezga ichi! [Gulu likuti, “Amen.”—Munozgi.] Nadi; kweni iwo wakachita chara. “Mwali wazamkuyima,” ndipo iyo wakayima. Igho ghakati, “Wakupunduka wazamkuyenda, wachibulumutira wazamkula wiska,” na icho chingamanya kuzakachitika. Ichi chikaghakhozgera igho ghazamkuchita ichi, ndipo Yesu waka wa kuwonekera.

⁸⁶ Moses wakati, “Yehova Chiuta winu wati wawuskenge Muprofeti, wakuwa nga ndine.” Mazgu ghakwiza kwa muprofeti. Ndipo, muprofeti, Mazgu ndigho ghakusanda maghanoghano gha mtima. Para iwo wakumuwona Iyo

wakupanga kusanda kula, iwo wakati, “Uyu ndi Berezebule, muwukwi.” Ilo likuruska zina chara leneilo iwo wakuwika pa Iyo. Chinthu chimozi muhanyauno, kuchemeka, “mutuwa-wakukunkhuluka,” panji chinyakhe ngati icho. Uwo mbunenesko. Nangauli. . .

⁸⁷ Iyo wakukhumba kutanthauzirika chara. Iyo waka wa kutanthauzirika. Chiuta wakakhozgera ichi mwa Iyomwene. Kasi ndinjani munthu wakwananga uyo muhanyauno, panji kasi waka wa njani munthu wakwananga yura kale, mweneuyo wangamanya kukana kuti Mazgu ghakatanthauzirika chara?

⁸⁸ Yesu waka wafumba iwo, wakati, “Sandani Malemba.” Igho ghakuphara cheneicho Ine ndiri. Igho ndi kutanthauzirika. Usange Umoyo Wane ukutanthauzira chara icho Ine nkhuoyoya, mwantheura imwe muleke kundigomezga Ine.”

⁸⁹ Kasi ndi munthu wakwananga uli wangamanya kuwako muhanyauno, mweneuyo wangamanya kula wiska mu Baibolo na kuwona kuti Mzimu Mutuwa ndi wakutanthauzira wa Mazgu chara, kujipangiska Iwowe kha kuwonekera kwa malayizgano gha vyawanangwa, na vinthu ivyo Iyo wakalayizga kuti wachitenge muhanyauno? Malaki 4 kuwa wakufiskika, ghanyakhe ghose Malemba kuwa ghakufiskika, na kuchiwona ichi nkhanira ku umaliro wa nyengo! Imwe mukukhumbika munthu kuti watanthauzire chara Ichi. Chara, bwana. Igho ghakujitanthauzira Ghekha. Ichi chikukhozgera Uwu ndi Uthenga wa ora ili! Rapani ndipo ng’anamukirani kwa Chiuta, charu chose! Imwe mipingo, rapani ndipo mung’anamukire kwa Chiuta! Mungayezganga imwe kumugeza Iyo kufuma mu mawoko ghinu, chifukwa imwe mungachita chara ichi. Nkhani yira yiri nkhanira mukati sono, ngati ndimo kuka wira kale.

⁹⁰ Iyo wakati, “Sandani Malemba; Igho ghakuyowoya za Ine.” Yesu wakati, “Milimo Yane ndiyo wakutanthauzira Wane.”

⁹¹ Iyo wakamuphalira Moses, para Iyo wakakumana nayo pa chivwati chakugolera. Iyo wakati, “INE NDINE. Ine nakumbukira phangano Lane. Ine nakumbukira kuti Ine nditi watorerenge wanthu a wa kuwaro, na woko la nkhangono. Ine nkhapanga phangano, ndipo Ine nkhluta na iwe. Ine nkhekutuma iwe. Iwe ukhale waka mlomo Wane, ndipo vimanyikwiro vayamkutathauzira usange nakutuma Ndine panyakhe yayi.” Amen.

⁹² Icho ndicho wanarumi na wanakazi wakwenera nthena wakupenja muhanyauno, phangano la kufuma kunyakhe, na kutanthauzirika kwa Mazgu gha Chiuta kuwa kwakuwonekera.

⁹³ Suzgo la icho, muhanyauno, iwo wakuti, “Enya, mpingo wane ukugomezga Ichi chara.” Kasi suzgo ndi vichi? Imwe mukukhala mu muzgezge wa muwiro unyakhe. Mipingo yira yika wa yiweme mu miwiro yawo, kweni kuli uli ku muwiro uwu? Uwu ndi muwiro unyakhe.

94 Imwe nthena mukapangiska Wesley kugomezga pa Luther chara, kula kukaŵavye kutuŵiskika. Chara, bwana.

95 Imwe nthena mukapangiska ŵa Pentekoste kugomezga pa Baptist chara, panji ngati chantheura kuwerera ku chenechira. Iwo ŵakasanga chinyakhe chiwemiko. Iwo ŵakakhala mu kungweruka kwa nyengo yawo.

96 Ndipo, muhanyauno, Pentekoste wapanga bungwe ndipo ŵakhala pasi nkhanira ngati ndiumo ŵakachitira, ichi ndi chinthu chenechira pera. Ndipo Mazgu ghakuluta munthazi, ndipo Igho ghakuluta kutali nkhanira na iwo. Uwo mbunenesko nkhanira, chifukwa ise tikuŵa ŵanonono nkhanira ndipo ŵakujiŵikamo. Ise tikuzomerezga matchalitchi ghithu kunjira mu kaŵiro ka mtundu uliwise, kuluta munthazi nthura. “Malinga ise tiri nagho mamembara, icho ndicho chekha ntchakwenerera, chifukwa ise tiri nawo ŵanandi kuruska awo tiri kuŵapo nawo.” Ise tikujichemerera za icho.

97 Ndizomerezgani ine ndimuphalirani imwe yeneiyo ndi ntharika yakale, yakuti, “Satana wakuŵerenga gulu lakhe, kweni Chiuta wakuŵapima Ŵakhe.”

98 Uwo mbunenesko, nawoso, mpaka muhanyauno. Chiuta wakumupimani imwe na Mazgu ghakhe, kuwona usange imwe mwasangika mukusoŵerwa panji chara. Ine nkhpwerera chara za magulu, kasi mbalinga, umo Uwu uli kuchukira. Agha ndi Mazgu gha Chiuta ghakuwonekera ku ora ili. Unesko nadi. Ine nkhpwerera chara za magulu, na mweneuyo wakwiza na mweneuyo wakwiza chara. Agha ndi Mazgu gha Chiuta gheneagho ghali pa suzgo, ngati ndiumo kukaŵira kula mu nyumba yakweruzgiramo ya Pirato. Ghapimani Igho, ndipo muwone icho ise tasanga, apo ise tikusangika ŵakusoŵerwa. Enya, bwana. Ise tikugomezga kuti Yesu Khristu ndi mweneyura pera mayiro, muhanyauno, na muyirayira.

99 Ise tikusanga kuti Iyo wakamuphalira Moses kuti, “Ine ndizamkuŵa na iwe, ndipo Ine ndizamkugwiriska waka mlomo wako. Iwe ulute ukayowoye mazgu ngati ndiumo Ine nkhekuphalirira iwe, ndipo vmanyikwiro vyamkutanthauzira vyekha.”

100 Wonani, Chiuta wakukhumba wakutanthauzira chara. O, chara, iyo wangawanga wakutanthauzira chara. Kutanthauzira kwa Chiuta kukumukhozgera Iyomwene. Iyo wakayowoya kuti Iyo wakaŵa wakutanthauzira wa Mazgu Ghakhe, ndipo Iyo ndimo waliri. Iyo wakachita ichi, mwa Moses, ndipo Iyo wakuchita ichi muhanyauno. Ise tikumumanya Iyo, mu Baibolo, ngati Elohim. *Elohim* ndi “Mweneuyo ngwakukwaniravyose.” Iyo wakusoŵerwa kunjirikizgika na waliyose chara. Iyo wakuyima payekha. Iyo ndi Chiuta, ndipo Iyo ndi Mazgu. Ndipo para Mazgu ghalayizga chinyakhe, na kuchipanga

Ichi kumanyikwa panthazi zinu, kasi imwe mukukhumba kutanthauzira kwa mtundu uli kuwaro kwa ichi?

¹⁰¹ O, mwanarumi wakwananga panji mwanakazi, iwe ndiwe njani mwakuti ungamanya kunyamukira muchanya na kunena kuti Uwo mbutesi? Apo Chiuta, na Mzimu Wakhe na Mazgu ghalayizgano, wakughatanthauzira agha panthazi za waliyose wa ise, kasi ise ndise wanjani kuti tiyowoye kuti uwu mbutesi? O, munthu wakwananga, kasi iwe ungachita uli icho? “Wakwananga, kasi imwe mukung’anamura vichi za icho, M’bale Branham?” Kuleka kugomezga! Kuliko kwananga kumoza pera, uku ndi kuleka kugomezga. Chikukhumbikwa kutanthauzira kwauchindere kwa munthu chara!

¹⁰² Iyo wakutanthauzira Ghakhe Yekha. “Ine ndine Fumu,” Iyo wakati, “Ine nkhapanda Ichi; Ine nditithirenge Ichi, muhanya na usiku, mzire munyakhe wangamanya kuchikwapula Ichi kufuma mu woko Lane.” Iyo wakayowoyaso, mu Lemba linyakhe, kuti, “Iyo wakalawiska pa Mazgu Ghakhe kuti waghachite Igho.” *Kughachita* Igho, “kughavumbura” Igho ku (vichi?) Wâkusoreka Wakhe, ku weneawo ghali kutumika kuti waghawone igho, awo wâli kutumika kuti waghawone Igho, mphanyiko. Iyo wakughavumburira Igho ku weneawo wâli kutumika kuti waghawone, kuti waghawone Igho.

¹⁰³ Iyo wakughalawiska Igho, wakughasungirira Igho kutali na kose uku kutanthauzira kwauchindere kwachithupithupi, vinthu ivi, vyakuti, “*Ichi* chiri makora, ndipo *icho* chiri makora, ndipo *icho chiri* makora.” Chiuta ndi muneneska, munthu wa Chiuta wakumanyikwa!

¹⁰⁴ Iwo wose Wâfarisi nthena wakamanya kuyimirira, nakuti, “Ise tiri wâ kwa Chiuta! Ise tiri nagho marango. Ise tiri nacho *ichi*.” Ndipo apo pakayimirira Mazgu, Ighoghekha. Wâkati, “Kutali na Igho! Ghapayikani Igho! Igho ghakujimanyiska Ighoghene chara na icho ise tikugomezga.”

¹⁰⁵ Kweni Igho ghakajimanyiska Ighoghene na Mazgu. Amen. Iwo weneawo wakawa na maso kuti wawone, wakaghawona Igho. Iwo weneawo wakawa wachibulumutira wakaghawona chara Igho.

¹⁰⁶ Nanga ndi muhanyauno wachitenge chara ichi. Mbweni kwamara. Iwo wakuluta, kwamara wâjijarira wêkha kuwaro, wânandi wâ iwo, kukhala kutali na Igho.

O, enya, pakuchita kughafiska Igho, kughawoneska Igho kuwa ghaneneska!

¹⁰⁷ Munthowa yinyakhe, “ine nkugomezga vinandi vya Igho. M’bale Branham, ine ningamanya kuligomezga Baibolo. Ine nkhumugomezga chitima Baibolo. Ine ndine wakuchitira chitima Baibolo. Ine nkhumugomezga ngana-na-ngana. Ine nkhumugomezga Yesu Khristu, Mwana wa Chiuta. Kweni ine

ningachita chara kugomezga vyose vya Ili, chifukwa mpingo wane ukuti Igho ndimo ghaliri chara.”

¹⁰⁸ Ntheura kasi imwe mukukhumba wakutanthauzira wa mtundu uli? Mtundu weneula uwo Heva wakaŵa nawo, chiŵanda. Iyo wakayezga kutanthauzira Mazgu kwa Heva, ndipo iyo wakati, “O, *ichi* chiri makora, ndipo *icho* chiri makora, kweni nadi. . .” Nadi, uwu mbunenesko! Icho Chiuta wakuyowoya, Ichi ntchaunenesko! Ine nkhopwerera chara kwali Ichi chikuwoneka uli ku ŵanyakhe. Para Chiuta wakati ichi chizamkuchitika, ichi chizamkuŵa ntheura. Kasi imwe mungagwiriska ntchito wakutanthauzira wa Heva? O, munthu wakwananga, kasi imwe mungachita uli icho? Enya, bwana. Iwo ŵakatora wakutanthauzira wa Heva.

¹⁰⁹ Chimanyikwiro, ngati ndumo ine nkhayowoyera zuŵa linyakhe, ise tiyezgenge kuŵikapo chimanyikwiro. Luther wakati, “Gomezgani, ndipo mufumire kuwaro.” Chiŵanda chikugomezga, nacho. Wesley wakati, “Chemerezgani, ndipo imwe mwapokerera Uwu,” kweni iyo wakasanga kuti wakaŵavye. Pentekoste wakati, “Yowoyani mu malilime, ndipo imwe mwaupokerera Uwu.” Iwo ŵakatondeka. Chikhristu cha Sayansi chikati, “Temwani, imwe muli na chawanangwa cha Mzimu,” kweni iwo ŵalije. Iwo ŵakuwukana Mzimu wa Yesu Khristu.

¹¹⁰ Kasi chimanyikwiro ntchichi cha Uwu? Para mzimu ula weneuwo uli mwa imwe ungamanya kuzomerezga phangano lililose na amen, ndipo Chiuta wakhozgerenge ichi. Umo ndimo nkhanira ichi chiriri na Yesu Khristu. O, enya. Iwo ŵakaŵa, iwo ŵakaŵa na vipambi vinandi vya mzimu, iwo ŵakaŵa nayo mitundu yose ya vimanyikwiro. Imwe mungachita chara kuti mukhomerereko chimanyikwiro chirichose ku chirichose kweni Chiuta Iyomwene kuwoneskera Mazgu Ghakhe. Icho ndicho chimanyikwiro chekha pera icho chiliko kuti imwe ndimwe Mukhristu. Kasi imwe mungaŵa uli Mukhristu para . . .

¹¹¹ “Mu mtendeko mukaŵa Mazgu, ndipo Mazgu ghakaŵa na Chiuta, ndipo Mazgu wakaŵa Chiuta. Ndipo Mazgu ghakazgoka thupi ndipo ghakakhala pamoza nase. Mwenyura pera mayiro, muhanyauno, na muyirayira!” Iyo wakaŵa Chiuta mwenyura wakaŵa mwa Davide. Iyo wakaŵa Mwenyura pera wakaŵa mwa Moses. Iyo wakaŵa Mwenyura pera wakaŵa mwa ŵapostole ŵose. Ndipo Iyo ndi Mwenyura pera wakaŵa mwa Yesu Khristu, kuti wajiwoneskere Iyomwene ku Mazgu ghara ghangano. Ndipo Iyo ndi Chiuta mwenyura pera muhanyauno, Mazgu gheneghara pera, kupereka Kungweruka pa Mazgu gha ora ili. Chiuta muŵe ŵalusungu kwa ise! Enya, bwana. Tikugomezga Chiuta wajitanthauzirenge Iyomwene, Lizgu lililose kuŵa lakukhozgeka! Enya, Iyo ngwakujitanthauzira Yekha.

¹¹² M'bale, ine nkughanaghana za nyengo! Ine ningamanya kukhala pa ichi kwa nyengo yitali, kweni imwe muti muwenge na unghano. Ine nkugomezga, ndipo ine nditiyowoyenge, muhanyauno; usange ise tikukhala tcheru chara, Iyo wali pa mawoko gha ise wina America. Ghanaghanani za ichi. Ine nkhuoyoya na ukali chara; ine nkhuoyoyera ichi mwa Kungweruka. Ine nkhuoyoya kuti Ndopa za Yesu Khristu ziri pa woko la mpingo wa America muhanyauno. Ndopa za Yesu Khristu ziri pa America, yose. Ndopa za Yesu Khristu zikulimbana na wa Methodist, Presbetere, Lutheran, Pentekoste. Izi ziri pa mawoko gha ise tose. Tiyeni ise tiwone usange izi ziripo sono. Ghanaghanani za ichi, Ndopa za Yesu Khristu! O, mwe!

¹¹³ Ndipo nga ndi Pirato zuwa lira, ichi chikundikumbuska za nthowa zitatu izo Pirato wakayezga kuti Ichi chifumiremo mu woko lakhe. Iyo wakayezga nthowa zose zitatu kuti wachiwuskeko Ichi ku woko lakhe, kweni iyo wakatondeka. Kuli nthowa yimoza pera imwe mukuwuskirako Ichi ku woko linu. Tiyeni ise tiwone icho iyo wakachita. Pirato wakayezga nthowa zitatu izi, kweni zose izi zikatondeka.

¹¹⁴ Ise tikwenera tilimbane nacho ichi. Ise tikumanya ichi chilipo, pakuti Mazgu Ghakhe ghamanyikwa mwa ukaboni wa Lemba. Mazgu ghalayizgano gha nyengo iyi ghazgoka thupi, nanga nkhu chiga wa cha kuwuheni cha kumukana Yesu Khristu; ndipo Iyo, mu Muwiro wa Laodikeya, kuwara kwa mpingo. Ise tikumanya kuti uwu ndi Unenesko. Ghanaghanani za ichi, Ndopa za Yesu Khristu, Mwana wa Chiuta, pa mawoko ghithu. Imwe . . . Icho chikundiwofya ine, kughanaghana za ichi. Kuyenda mwa Iyo, ichi chikwiziska mantha, pa kughanaghana, Ndopa za Yesu Khristu!

¹¹⁵ Para, munthu wati wala wiskenge ndopa za munthu-munyakhe. Nyengo yimoza, mu Chicago, kale chomene chara, mubwezi wa ine wakayimirira penepapo yumoza wa-wankhondo wa Dillinger, kwali uyo waka wa njani, wakalaskira pa msewu. Wanthu wakawunjikana, mwa mahandiredi, ndipo wose wakayimirira zingirizge. Kweni, iwo, kasi iwo wakachita vichi? Kweneuko ndopa zira zikathikira pa msewu, na khululu lira la chipolopolo, waliyose wakayenda kuzungulira ndopa zira. Iwo wakatondeka kudyaka pa ndopa za munthu munyawo. O, chara, bwana. Iwo wali na kukayikira kukuru za ichi.

¹¹⁶ Kweni iwo wazamkuyenda nkhanira mu Ndopa za Yesu Khristu. Kuyowoya kwakale uku kuchali kwaunenesko, "Vindere vizamkuyenda na skapato za misomali penepapo Wangelo wakopa kuyendapo." Uwo mbunenesko, iwo wazamkuyenda penepapo nkhanira pa Izi, nakuti, "Mazuwa gha minthondwe ghali kumara. Icho chikawa makora na wapostole, kweni kwa ise chara." O, mwe, kasi imwe mungayowoya uli ichi? Imwe mukuponda lundi pasi pa Ndopa za Yesu Khristu

mweneumo imwe mukatuŵiskikiramo! O, mwe, ghanaghanani za Ndopa pa mawoko githu!

¹¹⁷ Vichi, ndopa za munthu munyako. Ine nkughanaghana kale chomene, masabata ghachoko ghajumphu, apo ise tikaghanaghana kuti ichi chingachitika chara mu charu chithu. Kuli uli na munthu uyu, Oswald? Wakhala uko mu chitolokosi, kughanaghananira za ichi, usange iyo wali mu malingaliro ghaweme.

¹¹⁸ Ndipo ine nkughaghana za munthu mweneuyo wangamanya kutegherezga ku tepi iyi, panji wakhala mwenemuno nthena, kulikose, na kutegherezga ku Uthenga uwu, kuwuzomerezga uwu; kuwughanaghanira, pakumanya kuti imwe mukwenera kufika ku cheruzgo na kuzakazgora ku Mazgu gha Chiuta, kuzakazgora ku Ndopa za Yesu Khristu, mweneuyo wamanyiskika kwa imwe, pa mawoko ghinu, pa mawoko githu.

¹¹⁹ Muwonani Oswald wakhala apo, kasi chikati chiŵenge chinthu chakofya uli...chikati chiŵenge uli kwa iyo, panji nthena chikaŵa uli, panji ine nkhusachizga ichi chikaŵa ntheura, para iyo wakaghanaghana kuti iyo wakwenera kukumana na Khoti Likuru na ukali wa kukoma pulezidenti wawo. Kula kukati kuŵenge lusungu chara. Ukaboni uliwise weneuo iwo ŵakati ŵatorerenge kwa iyo, uwu ukati uphakazgikenge pa iyo. Vidindo vya njoŵe, futi, malo apo iyo wakaŵa, vyose vikati viperekekenge panthazi zakhe.

¹²⁰ Icho ndi chinthu chakuphweteka kulinganizgana na umo kuzamkuŵira ku ŵanthu awo ŵakhala mu misonkhano iyi na kumuwona Yesu Khristu wakuwuka mu kaŵiro ka Munthu, na kujiwoneska Iyomwene, ndipo imwe mukufuma kuwaro kwambura kumupokerera Iyo, kukoleska ku chigomezgo chinyakhe chichoko, panji chinyakhe icho imwe mukuchizunura chakuphweka. Ivyo vyose nvyakuphweka, para imwe mwakhala Panthazi za Chiuta mukali, mweneuyo waponda...imwe mwaŵeneimwe mwaponda Ndopa za Mwana Wakhe Yekha, na kumupayikaso Iyo mwathupi mu malingaliro, mwasinthaniska uŵere winu na kutchuka. Ichi chizamkuŵa chinthu chakofya pa zuŵa lira. Ili lizamkuŵa lingaliro lakofya. Kasi imwe mungakhala uli mu khungu lakughanaghanira?

¹²¹ Imwe ŵakubabikira mu Africa, imwe mu Australia, Sweden, Switzerland, imwe muzamkutegherezga ku tepi iyi, kasi imwe muzamkuzgora uli pa Zuŵa la Cheruzgo, apo ine nkhaŵako ku vyaru vyinu ndipo imwe muli kuwona kumanyikwa kwa Yesu Khristu kuwoneka pakati pa ŵanthu, na kujikhozgera Iyomwene?

¹²² Kughanaghanira, mwe, iyo wakwenera kuti wakaghanaghanira! O, kasi iyo wakati wachitenge uli ichi usange iyo wakaŵa mu malingaliro ghaweme?

123 Kasi imwe mukughanaghana kuti wazamkuŵa Chiuta mkali wa mtundu uli ku ŵeneawo ŵapondera pasi Mwana wa Chiuta, na kumupayikaso Iyo kachiŵiri, kuwerezgapo?

124 Muwonani, payiloti, para iyo wanozgekera kuti wayitorere ndege muchanya. Payiloti wayitorere ndege kuwaro, iyo watiwoneseskenge chirichose pambere iyo wandanyamuke, chida chirichose. Iyo wakuluta kuwaro pa msewu, na kuyimirira kuwaro kula na kughawoneseska mapapindo ghakuwulukira ghara, kuwoneseska vijariro vyakhe vya mphepo. Chirichose, chida chirichose iyo wali nacho, iyo wakuchiwoneseska ichi mwakuwerezga na kuwerezga. Ŵanandi ŵa imwe muli kukwerapo ndege, ndipo imwe mukumanya kuti uwo mbunenesko. Iyo wakuchiwoneseska chida chirichose. Chifukwa? Iyo wali na ndopa za munthu munyakhe pa mawoko ghakhe. Iyo wakukhumba kuwoneseska kuti chirichose chikuyenda makora.

125 Kuli uli na dokotala mu oparesoni, para iyo wakumanya kuti iyo wachitenge oparesoni, kuwuskako chakutupa panji mtima, panji chinthu chinyakhe, na kuchiwuskapo ichi? Para iyo wachitenge oparesoni pa thupi linu, iyo wawupimenge mtima winu, iyo wapimenge kuchimbira kwinu kwa ndopa, iyo wapimenge kwali imwe mukupulika mphepo, iyo wapimenge zazi. Iyo wakupima chirichose, kuwerezgapo na kuwerezgapo, na kuwerezgaposo. Chifukwa? Iyo wakukhumba chara ndopa za munthu munyakhe ziŵenge pa iyo.

126 Ndipo usange dokotala na payiloti, na ŵanyakhe ntheura, ŵawoneseskenge, kasi Mpingo wa Yesu Khristu ukwenera kuchita uli, para ise tikuwona vinthu ivyo ise tikukhalamo muhanyauno? Ise chingaŵa chiweme kuti tiwoneseske. Ndopa za Yesu Khristu zingamaya kulekeka pa mawoko githu.

127 Sono lekani ise titorepo chinthu chimoza, gawo lakudanga la Pirato, likaŵa, “ine nkhusangamo kafukwa chara mwa Iyo.”

128 Uli umo icho chiliri pakati pa magulu ghanandi muhanyauno! “Ine nkhusanga kafukwa chara na Mazgu. Ichi chose chiri makora, kweni icho chikaŵa cha ŵapostole.” Baibolo likati, Iyo ndi mweneyura pera mayiro, muhanyauno, na muyirayira! Imwe mukuti, “Baibolo ilo liri makora. Ine nkhugomezga iwo ŵakayowoya mu malilime; ine nkhugomezga iwo ŵakafumiska viŵanda; ine nkhugomezga iwo ŵakasanda malingaliro; ine nkhugomezga kula ŵakawako ŵaprofeti; kweni zuŵa ili chara.” O, ŵadada, munthu wakwananga, kasi suzgo ndi vichi na imwe? Kasi kukachitikachi para Mateyu 28... 24:24 wali nkhanira apo? Ŵaheberi 13:8 wakuwuluka kuwerera nkhanira mu chipakato chinu.

129 Pirato, iyo wakatondeka kuchiwuskamo Ichi kufuma mu mawoko ghakhe mwantheura. Chara, bwana, Ichi chikawereraso nkhanira mu chipakato chakhe. Ntheura

ndimo ichi chizamkuwira kwa munthu waliyose, apo imwe mukayimirira ndipo mukamuwona Chiuta wakusungirira phangano Lakhe.

¹³⁰ Petros wakati, pa Zuwa la Pentekoste, “Rapani, waliyose wa imwe, ndipo mubapatizike mu Zina la Yesu Khristu kuti zakwananga zinu zigowokereke, ndipo mupokerenge chawanangwa cha Mzimu Mutuwa. Pakuti phangano ili liri kwa imwe, na ku wana wina, na iwo awo wali kutali, nanga ndi wanandi awo Fumu Chiuta withu wati wachemenge.”

¹³¹ Kutali nkhu? “Ku charu chose, mtundu uliwose.” Wakati Ili lika wa la mtundu uliwose. “Rutani imwe mu charu chose.” Igho ghachali ghandafike uko nasono. “Pharazgani Ivangeli ku chilengiwa chirichose. Vimanyikwiro ivi vitiwarondezgenge iwo weneawo wakugomezga.”

¹³² Kasi imwe muchifumiskengemo uli icho kufuma mu mawoko ghinu? Imwe mungachita chara ichi. Ichi ntchakukhozgeka, ndipo chaponyekaso mu chipakato chinu. Ichi chikuwereraso, ngati ndiumo ichi chikachitira pa Pirato. O, enya, bwana, ichi chikwiza kuwereraso nkhanira kwa imwe, para imwe mukuwona Lemba likumanyikwa nkhanira panthazi pinu.

¹³³ Chachiwiri, apo ise tikujara. Chachiwiri, ise tikusanga kuti, yikawaposo nthowa yinyakhe nga ndiumo Pirato wakayezgera kuti wachite, nthouraso ndimo wanthu wakuchitira muhanyauno, kuchijumphiskira ichi kwa Herode wakhe na Kesare. Wapharazgi wanandi muhanyauno, Episkopo, Presbetere, Lutheran, Baptist, Pentekoste, na wanyakhe nthoura, wachijumphiskirenge Ichi kunthazi, “Hedikota yane ndiyo yeneiyo yindikanizgenge ine kuchita ichi.” Ichi chikawerera. Ichi chikuwereraso muhanyauno.

¹³⁴ Ine nkhuwafumba wa Assemblies of God chara, wa Oneness, mpingo wa Chiuta, wa Methodist, wa Baptist, wa Presbetere. Ine nkhumufumbani imwe, ngati payekha payekha, kasi imwe mukuchita vichi na Ndopa za Yesu Khristu? Kasi ise tizamkuchita vichi na Mazgu ghakuzozgeka agha gha Chiuta gheneagho ghali nkhanira panthazi zithu muhanyauno, gheneagho ise tikumanya igho ghati ghawenge, ndigho Khristu, phangano la nyengo iyi? Kasi imwe muchitenge vichi na Agha? Icho mpingo winu ukuchita na Agha chara. Kesare winu na Herode winu walije kalikose kakuchita na ichi. Icho chikamovwira chara Pirato. Chara, bwana. Chara, bwana.

¹³⁵ Wafarisi wara kufumira zuwa lira, wakati, “Lekani Ndopa Zakhe ziwenge pa ise, na pa wana withu.” Ndimu chiliri. Uwo mbunenesko.

¹³⁶ Kasi Iyo, Yesu, waka waphalira vichi iwo? “Imwe mukumanya kutanhaulala chisko cha mitambo, kweni imwe mukumanya chara kutanhaulala vimanyikwiro vya nyengo.”

¹³⁷ Ndipo, o, ine nkhuwowyera ichi ku ŵa Phoenix chara, kweni ine nkhuwowyera ichi kulikose uko ichi chikukhumba kuluta. Imwe Ŵafarisi ŵachibulumutira! Kasi imwe mungachita uli, kutaya ma miliyoni gha madola, imwe mukumanya kutanhaulula chikomunisti; kweni Mazgu gha Chiuta, ghakukhozgeka mu nyengo iyi, imwe mungatanhaulula chara? Imwe mukughapayikaso Igho kachiŵiri. Imwe mukumanya vyose vya chikomunisti; usange imwe mukalimanyenge Baibolo linu, imwe mwati mumanyengo vinthu ivi vikwenera kuchitika. Icho ntchakukondwereska chara kwa ine. Ine nkchuchitinkha chikomunisti. Ine nkchutinkha chirichose chakulimbana na Chiuta. Kweni kukondwereska kwane kuli mwa ichi, Mpingo kuŵa wakunozgekera ku ora ili, kuluta ku Mwali.

¹³⁸ “Kutanhaulula chisko cha mitambo, kweni vimanyikwirowo vya nyengo mungachita chara.”

¹³⁹ Ndipo pa zuŵa Lakhe la cheruzgo, liri mu makhoti gha Chisazga kuti ghapange Wupu uwu wa Matchalitchi, na chirichose. Imwe mukumanya kutanhaulula chikomunisti na vinthu vinyakhe vyose ivi ivyo ŵapharazgi ŵakupharazgi; na kuyenda nkhanira pachanya pa vimanyikwirowo vya nyengo, na kuchizunura Ichi “kachitiro kawakawaka,” kuchizunura Ichi “kutimbanizga mongo,” panji chinyakhe ngati icho, na kuyenda kufumapo, na kuŵakanizga ŵanthu ŵawo nanga nkhwiza kuti ŵazakaghapulike Agha. Usange mbiri yindajiwerezge chara iyoyekha, ine, zina lane ndi William Branham chara. Unenesko nadi. Kasi ntchivichi chizamkuchitika? Ichi chikuponya Ndopa za Yesu Khristu nkhanira pa mawoko ghinu, ndipo imwe mukuchizunura Ichi “mzimu waukazuzi,” ngati ndiumo iwo ŵakachitira kale.

¹⁴⁰ Charu chose zingirizge! Ine nkhusachizga imwe mukumanya icho ine nang’anamuranga kale. Kulikose! Kasi ntchifukwa uli imwe mukandikana ine, mu Switzerland? Kasi ntchifukwa uli imwe mukachita ichi, Finland? Ndopa ziti zikhallenge pa mawoko ghinu. Icho chikuŵa pa imwe. Ine chara, imwe mukandikana chara ine; imwe mukamukana Iyo, ine chara, chifukwa imwe mukati, “ine nkchugomezga mwa *chantheura* chara.” Mazgu ghakuyowoya *chantheura*! Imwe muli apo. Ŵafarisi ŵachibulumutira, iwo ŵakumanya kutanhaulula chikomunisti, kutanhaulula vinthu vyose ivi, kweni, nyengo iyo iwo ŵakukhalamo, iwo ŵakumanya kutanhaulula chara. Uwo mbunenesko nadi.

¹⁴¹ Sono ichi chiri pafupi kufika pa chakhe (mwe!) chirato chaumaliro. Nyengo yinonono yiriso pano. Kasi iyi ndi vichi? “Mupayikani Iyo! Ise titipangenge... Ise tingaŵapanga chara wose kuŵa ŵa Methodist; ise tingaŵapanga chara wose kuŵa ŵa Baptist; ise tingaŵapanga chara wose kuŵa ŵa Oneness; ise tingaŵapanga chara wose kuŵa ŵa Trinity; ise tingaŵapanga chara wose iwo *ichi*, *icho* panji *chinyakhe*; kweni

ise tingamanya kuŵa na wupu.” Nkhu, imwe mukususka nga ndiumo kuliri Kuvuma kufuma Kuzambwe, ndipo chinthu chose ntchakwanangika. Ichi ndi chinyakhe cha Rome. Uwo mbunenesko nadi.

¹⁴² Sono, ngati payekhapayekha, ine nditimufumbaninge imwe. Kasi imwe muchitenge vichi na Mazgu agha ghakuzozgeka gheneagho ndi Khristu, Mazgu agho ghakalayizgikira ku zuŵa ili? Imwe, ngati pa mwekha?

¹⁴³ Pirato wakachifumiskako chara Ichi kufuma mu mawoko ghakhe. Imwe mukumanya icho. Iyo wakachemerezga, wakalira, na nthowa yiriyose iyo wakamanya kuchita. Iyo wakatondeka kuchita ichi. Kula kuli nkhani ku Switzerland kwenekula, uko gha . . . maji gha blu ghakutozga, kwenekuko iyo wakajikomera. Imwe mukumanya mbiri ya ichi. Iyo paumaliro wakamufunthiska iyo, ndipo iyo wakajikoma. Ntchifukwa uli iyo wakatondeka kurapa? Iyo nthena wakarapa chara, kuruska umo Esau wakati warapirenge. Iyo wakachita ichi! Mungayezganga chara kuzomerezga kuti ichi chichitike kwa imwe.

¹⁴⁴ Iyo wali pa mawoko ghinu. Milimo yachitika, Baibolo lapharazgika, Mzimu Mutuŵa wachimanyiska Ichi. Munthu waliyose wakwananga, mungayezganga chara kuyowoya ku Ichi ndimo chiliri chara, Mzimu Mutuŵa mu mazuŵa agha ghaumaliro! Ndipo Mazgu gheneagho ghakhala ghakuyowoyeka, ghakati Ichi chizamkuchitika, ndipo Ichi chiri nkhanira panthazi pithu.

¹⁴⁵ Mungayezganga kuchita ichi. Mungazomerezganga umaliro winu wuŵe ngati ngwa Pirato. Chara. Iyo nthena wakamuzomera Iyo mu mtima wakhe. Iyo ndiyo nthowa yekha yakuti imwe mungamufumiskiramo Iyo mu mawoko ghinu, njakuti imwe mumutorere Iyo mu mtima winu. O, mungachitangaso kwananga kwenekula.

¹⁴⁶ Tegherezgani, Ŵahebere 10 wakuyowoya ichi, “Usange ise tikwanangira dara,” kulekera dara kugomezga, “pamanyuma pakuti ise tapokerera kumanya kwa Unenesko, kulijeso sembe yinyakhe ya kwananga.” Usange imwe mukwananga pamanyuma pakuti Agha ghamanyiskika kwa imwe, ndipo nthoura imwe mukughakana Igho, imwe mukuŵavve napachoko mwaŵi wakuti mungarapiraso.

¹⁴⁷ Miniti pera, ine ndiri na chinyakhe apa ine nkhukhumba kuti ndichipereke kwa imwe pambere nindajare.

¹⁴⁸ Ngati ndi ŵazondi pa msewu ku charu chalayizgano. Iwo ŵakaŵa pa ulendo, kufuma ku Egupto, kufuma mu Mazgu ghalayizgano gha Chiuta. Chiuta wakapanga Mazgu ghakhe kumanyikwa kwizira mwa muprofeti, Moses, wakamutuma kusika kula. Iyo wakamanyikwa kuti Iyo wakawa Chiuta wakuti

wamufumiskire iyo kuwaro pasi pa kaŵiro ako Iyo wakalayizga kuzakachita, “INE NDINE.”

¹⁴⁹ Para iwo ŵakati ŵafika pa mphaka, Kadesh-barnea, kwananga kukuru iwo ŵakachita, para iwo ŵakati ŵalutako ku charu ndipo ŵakalaŵiskamo mu charu chaphangano, iwo ŵakati, “Ise tingachitora chara ichi.” Kasi chinyakhe chimanyikwirowo chikaŵa chivichi? Iwo ŵakalaŵiska pa vyakuchitika, lumbiri iwo ŵakati ŵatayenge. “Ise tiri mphazi, ku chigaŵa cha iwo.”

¹⁵⁰ Kweni Joshua na Kaleb ŵakalaŵiska. Iwo ŵakawerera ku Mazgu, ndipo Yehova wakati, “Ine nkhumupani imwe charu ichi! Ichi ndi charu chiweme, cha mkaka na uchi.” Iwo ŵakaziriswa umo ichi chikawonekeranga chara, kasi *ichi* chikaŵachi, ndipo kasi chimanyikwirowo *ichi* chikaŵachi. Mazgu gha Chiuta ghakati, “Ine nkhumupani ichi kwa imwe! Rutani mukachitore ichi!” Ndipo iwo ŵakaŵa ŵekha awo ŵakanjira mukati.

¹⁵¹ O, tiyeni ise tiwone mapangano gha Chiuta gha muhanyauno. Uwo mbunenesko. Kumbukirani, ise tiri mu kufuma kunyakhe, kwa nyengo; kufuma, nyengo iyi, kunjira mu charu chaphangano cha pa charu chara, kweni mu Charu chaphangano cha Uchindami, kwenekuko kulije chiwerera nyuma chirichose. Uchindami kwa Chiuta, ise tayamkuŵako kula! [Pa tepi paliye mazgu—Munozgi.]

Asi imwe muchitenge ichi, apo ise tikusindamiska mitu yithu?

¹⁵² Ine ndifumbenge fumbo ili apo mwanarumi waliyose na mwanakazi wali chete. Kasi imwe mutichitenge vichi na Yesu uyu wakuthyika Khristu? Kasi imwe mumuzomerege Iyo? Kasi imwe mutimutorege Iyo ngati Muwomboli winu? Kasi imwe mutiŵenge a . . . Panji, kasi imwe mumuwuskengemo Iyo kufuma mu mawoko ghinu? Kasi imwe muyezegege kujumphapo, “enya, chane—chipulikano chane chikuyowoya Ichi chara,” panji, “bunge lane likugomezga chara Ichi ngati ndi nthaura”? Ichi chiri nkhanira pa mawoko ghinu. Imwe mungafumako chara ku Ichi. Kasi imwe muchitenge vichi na Yesu uyu wakuthyika Khristu? Ndopa Zakhe ziri pa mawoko ghinu, kuyambira sabata iyi mu ungoro.

Tiyeni ise tipemphere.

¹⁵³ Fumu Yesu, tiwireni ise sono nthena mu ora ili. Zomerezgani uchizi Winu na lusungu vikhale na ise. Zomerezgani gulu ili liwone, Fumu, kuti Imwe ndimwe Chiuta, ndipo kulije munyakhe padera pa Imwe. Zomerezgani Nkhongono ya Chiuta sono, Mazgu, ghajimanyiske Ighoghene, mu ŵanthu aŵa, mwakuti ichi chingamanya kumanyikwa kuti Imwe ndimwe Chiuta, ndipo ine ndaphara Unenesko, Fumu. Ine ndachita ichi, ichi, pa langulo Linu; ngati ndiumo Elija wakayowoyera kale, “ine ndachita ichi pa langulo Linu.”

Perekani ichi, Fumu, mwakuti ichi chikhale ntheura, mu Zina la Yesu Khristu. Amen.

Sono na mitu yinu yakusindama, waliyose wa imwe.

¹⁵⁴ Mzimu Mutuŵa wangundilekeska waka ine, ma miniti ghachoko ghajumpha, apo ine nanguyamba kupemphera. Uwu wanguti, “Ŵalimo ŵanyakhe muno ŵeneawo ŵakuchimanya chara ichi mpaka pano.” Mphanyi Chiuta Wakuchanya wamulekani imwe kwambura kalikose, mphanyi Iyo wangumuponyerani Ichi nkhanira mu chipakato chinu muhanyauno, nthena.

¹⁵⁵ Ŵarwari imwe muli muno. Ine nindachitepo ichi pa msonkhano wa Ŵamalonda Ŵanarumi. Ŵarwari imwe muno, mwaŵene imwe mukugomezga Chiuta, ndipo nkhumomezga muli nacho chipulikano kuti muwukhwaska munjirira Wakhe. Ndipo, kumbukirani, Baibolo likati, mu Ŵahebere 4, “Mazgu gha Chiuta ngakuthwa kuruska lupanga lwa uyi kosekose, ghakusanda maghanoghano agho ghali mu mtima.” Ise tose tikuchimanya icho. Kasi imwe mukugomezga ichi? Uli imwe mupemphere?

¹⁵⁶ Mungazomerezganga munthu yumoza kuti wayende sono. Lekani waliyose wakhale nkhanira mwantchindi, chete nadi, chete nadi. Pempherani. Ndipo Mzimu Mutuŵa sono watirongozge ise ku icho tingachita na icho tingayowoya, pakuti nyengo yinonono iyi yiri muno kulimbana nase.

¹⁵⁷ Fumu Yesu, ichi chiri mu mawoko Ghinu. Ine ndiri mu mawoko Ghinu. Ine nkhujiipereka ndekha kwa Imwe. Ponyani Ichi kuweraso mu vipakato vyawo, Fumu, chiwerezgeranimoso Ichi. Nadi, Mzimu Mutuŵa Winu ukundiphalira ine pano icho ntchiweme na icho ntchiheni. Ndipo ine nkhumanya tepi iyi yamkukumana na ŵanandi kuwaro uko, ndipo ine nkhumomezga kuti Imwe muzomerezge ichi kuti chimanyikwe kuti ine ndaŵaphalira iwo Unenesko, ndipo ine ndiri kutumikira ichi, ngati ndiumo Imwe mukayowoyera pa mronga nyengo yira para Mungelo yura wa Yehova wakayimirira mula mu Laŵi la Moto. Zomerezgani ichi chimanyikwe muhanyauno kuti ine ndaphara Unenesko, mu Zina la Yesu Khristu. Amen.

¹⁵⁸ Yinuskani mitu yinu sono. Laŵiskani kudera uko, ndipo imwe muleke kukayika. Chiuta Mwenenkhongono waŵe mweruzgi wa ise.

¹⁵⁹ Para Yesu wakayimirira pano pasi! Para Iyo wakafwa, Iyo wakachizga ŵarwari, Iyo wakawombora ŵakutayika. Kasi imwe mukugomezga icho? [Gulu likuti, “Amen.”—Munozgi.] Kweni apo Iyo wakaŵa pano, kasi iwo ŵakamanya uli Iyo wakaŵa, chifukwa Iyo wakaŵa Mazgu. Kasi mbalinga ŵakumanya kuti uwo ndi unenesko? [“Amen.”] Iyo wakaŵa Mazgu, ndipo Mazgu ghakusanda maghanoghano agho ghali mu mtima. Asi uwo ndi unenesko? [“Amen.”]

¹⁶⁰ Ine nkhutondeka kumuwona munthu mu nyumba iyi, pa nyengo iyi, ine nkhumanya, kupatulako waliska aŵa, na wanyakhe, kunyuma kuno.

¹⁶¹ Panji, panyakhe M'bale Roberts walimo muno, ine nkhuikhumba iyo wauyambe mzere wa pemphero. Kasi M'bale Roberts waliko kunyuma uko? [Munyakhe wakuti, "Chara."—Munozgi.] Iyo walimo chara muno. Viri makora.

¹⁶² Utumiki wane uchitinge pa nyengo iyi. Ine nkhumusimikizgirani imwe, mu Zina la Yesu Khristu, kuti mundigomezge ine kuti ine ndamuphalirani imwe Unenesko za Mazgu, ndipo nkugomezga kuti icho ine ndayowoya ndi Unenesko. Asi imwe muchitenge icho? [Gulu likuti, "Amen."—Munozgi.]

Zomerezgani ichi chichitike, Fumu, zomerezgani ichi chichitike.

¹⁶³ Waliko munthu wakhala mwenemuno nthena. Ine nkhuikhumba imwe kuti mujure maso ghinu; mungawona chara Kungweruka uko kwalendera apo? Pali munthu wakhala penepapo nthena, wakulaŵiska kwa ine, wakupemphera. Iyo wakusuzgika na suzgo la maphapo, na kufoka. Kuchiphonya chara ichi, bwana. Wadada Carr, kwezgani muchanya ndipo pokererani machirisko. Yesu Khristu wakumupangani imwe wamusuma. Ine nindamuwonapo chara mwanarumi uyu, mu umoyo wane.

¹⁶⁴ Kuli mwanarumi kuseri uko, muweme chomene, iyo wapempheranga nayoso. Kweni kasi suzgo ndakuti uli na mwanarumi yura, mwanarumi uyo uko wali na suzgo la maso. Iyo wali na chakutupa ku lakhe lamazere. Zina lakhe ndi Wadada Bartlett. Imwe mukugomezga! Asi uwo mbunenesko, bwana? Kasi ine ndiri wachilendo kwa imwe? Kwezgani woko linu; ise tose ndise wachilendo. Uwo mbunenesko. Chiuta wamutumbikani imwe. Gomezgani, imwe mutichizgikenge.

Imwe gomezgani!

¹⁶⁵ Kasi imwe mukamuphalira yura pa chifukwa uli? Kasi imwe mukundigomezga ine kuŵa muprofeti Wakhe, bwana? Enya, bwana. Imwe mukusuzgika na kutimbanizgika kwauzimu, kutimbanizgika kuchoko mu bizinesi na vinthu. Uwo mbunenesko. Uwo mbunenesko. Wadada Clawson, kasi imwe mukugomezga na mtima winu wose kuti Yesu wamunyororaninge iyi imwe? Kasi ilo ndilo zina linu? Agho ndi malo ghinu? Viri makora, imwe mungamanya kutora icho imwe mwaromba. Amen.

¹⁶⁶ Munyakhe kudera *kuno* wakuchigomezga Ichi, amen, munyakhe wa chipulikano cha Mzimu Mutuŵa weneko.

¹⁶⁷ Muwoli wa Waldrof, ine nkhuhiwona icho. Ine, nkhumumanyani imwe. Chara, ichi ntcha imwe chara. Ichi

ntcha mwana uyo, ndipo mwana uyo ndi muzukuru-chivu winu. Ine nindamuwonepo iyo, mu umoyo wane. Uwo mbunenesko. Mwana wakusuzgika na suzgo la jiso likapangika chifukwa cha ivyo wakawona. Uyo ndi NTHEURA WAKUTI YEHOVA. Imwe gomezgani!

¹⁶⁸ Dona, imwe mwarwara chomene. Imwe muli na wofi, muli na suzgo la munthumbo, pafupifupi ngati mukomokenge. Kasi imwe mukugomezga kuti Chiuta wamuchizganinge imwe? Maria, gomezga na mtima wako wose, ndipo Yesu wakupenge iwe icho ukukhumba.

Iyo wali pa chipakato chako!

¹⁶⁹ Apa pali dona lichoko lakhala apo, likupemphera, kulaŵiska nkhanira kwa ine, mutu wazgorikira pasi. Yinuka ndipo laŵiska kwa ine. Munthu muweme. Iwe ukufumira kuno chara. Iwe ukufumira kutali na kuno, New York. Kweni usange iwe ugamezgenge kuti Yesu Khristu wakuchizga ichi, Iyo wakupenge iwe ubapatizo wa Mzimu Mutuŵa. Kasi iwe ukugomezga icho? Muwoli wa Bryan kufumira ku New York, gomezga ichi na mtima winu wose, ndipo imwe mungamanya kupokerera Mzimu Mutuŵa sono nthena.

¹⁷⁰ Ichi chiri pa chipakato chinu, ŵabwezi! Kasi imwe mukugomezga Ichi, Mazgu kujipanga Ighoghene kuwonekera? Kasi imwe mukugomezga Yesu Khristu kuŵa mweneyura pera mayiro, muhanyauno, na muyirayira? Ine nkhuŵamanya chara ŵanthu aŵa. Chiuta ndi mweruzgi wane, ine nkhuŵamanya chara ŵanthu aŵa. Yesu Khristu wakuŵamanya iwo. Kasi imwe muchitenge vichi na Mazgu agha ghakuzozgeka, ngati ndiumo Iyo wakayowoyera, “Ngati ndiumo mukaŵira mu mazuŵa gha Sodom, ntheura ndimo kuzamkuŵira pakwiza kwa Mwana wa munthu”? Usange chigaŵa ichi ntchaunenesko, Uthenga uwo ine nkhipharazga ngwaunenesko. Uwu ndi Mzimu Mutuŵa, Wekha, kuchita kutanthauzira kwa Iwowekeha, kuti Uwu mbunenesko. Amen. Gomezgani Ichi na mtima winu wose! Asi imwe muchitenge ichi?


¹⁷¹ Yimirani pa marundi ghinu ntheura ndipo muchipokerere Ichi, mu Zina la Yesu Khristu.

¹⁷² Apo Mzimu Mutuŵa uli muno, ine nkhuukhumba kuti ndiŵike manja pa mathaulo agha muno. Tiyeni ise tikwezge mawoko githu kwa Khristu.

¹⁷³ Fumu Yesu, ise tikumugomezgani Imwe. Ise tikumanya Imwe ndimwe Unenesko, Kungweruka, Mazgu. Ine nkhuŵika manja ghane pa mathaulo agha. Ine nkhipemphera, Fumu Yesu, kuti nkhangono Yinu yizungulirenge mu nyumba iyi na mu mathaulo agha, pa makhoti ghachoko agha na mikhanjo. Ndipo mphanyi Mzimu Mutuŵa wangufika pa ivyo, Fumu. Perekani ichi. Ndipo mphanyi iwo ŵanguchizgika, waliyose wa iwo, pakuti Mazgu Ghinu ndi Unenesko. Perekani ichi, Fumu.

¹⁷⁴ Sono kwa waliyose mu gulu ili, kasi imwe muchitenge vichi na Yesu uyu wakuthyika Khristu? Ichi chiri pa woko linu. Mungazomerezeganga wanthu wamuphalirani imwe. . . Ine nkhung'anamura wanthu wakutegherezga ku tepi iyi, wanthu wali kudera kuno mu gulu, kasi imwe muchitenge vichi na ichi muhanyauno? Uli imwe mumupokerere Iyo, waliyose murwari muno? Mwanarumi waliyose wakukayika muno, mwanakazi waliyose wakukayika muno, uli imwe mumupokerere Iyo ngati ndi Muwomboli winu? Imwe muzamkumuwuskamo chara Iyo kufuma mu mawoko ghinu. Chigomezgo chinu chizamkumufumiskako chara Iyo. Kulije sopo yakukwanira ya Fuller mu charu yeneiyo yingafumiskako Ichi. Chimoza pera icho imwe mungachita, mutorerani Iyo mu mtima winu! Amen. Asi mumupokererenge Iyo? Ntheura kwezgani mawoko ghinu. Ndipo muyowoye. . . Perekani kwa Iyo marumbo na uchindami.

¹⁷⁵ Wadada Mwakuchanya, awa Mbinu. Mazgu Ghinu ghamanyikwa. Wanthu awa Mbinu. Ine nkhuwapereka iwo kwa Imwe, mu Zina la Yesu Khristu. Amen.

¹⁷⁶ Kwezgani mawoko ghinu sono ndipo mumurumbe Iyo. Ndipo ine nkhumupereka Iyo kwa imwe, mu Zina la Yesu Khristu. 

KASI ISE TICHITENGE VICHI NA
YESU UYU WAKUTHYIKA KHRISTU? CTK64-0126
(What Shall We Do With This Jesus Called Christ?)

Uthenga uwu wakupharazgika na M'bale William Marrion Branham, pakudanga ukaperekeka mu Chingerezi pa Sabata muhanya, Jaryuwale 26, 1964, Ramada Inn mu Phoenix, Arizona, U.S.A., ndipo uli kutoreka kufuma ku tepi ya magineti yakujambulika ndipo walembeke kwambura kusinthika mu Chingerezi. Kutanthauzira uku kwa Chitumbuka kukalembeke na kugawika na wa Voice Of God Recordings.

CHITUMBUKA

©2009 VGR, ALL RIGHTS RESERVED

VOICE OF GOD RECORDINGS, MALAWI OFFICE
P.O. BOX 51453, LIMBE, MALAWI

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.

www.branham.org

Chimanyisko chakukopera

Wanangwa wose ngwakuwikiririka. Buku ili lingamanya kudindika pa chakudindira cha kunyumba kuwa lakugwiriskira ntchito imwe panji kuti liperekeke, kwaulere kwambura mtengo, nga ndi lakugwiriskira ntchito kutandazgira Ivangeli la Yesu Khristu. Buku ili ntha lingaguriskika, kupangikaso mu unandi, kutumizgika pa website, kusungika umu tingazakalisangiraso, kutanthauzika mu viyowoyero vinyakhe, panji kuligwiriska ntchito pa kupempheskera ndalama kwambura kalata yakulembeka kuzomerezgeka na Voice Of God Recordings®.

Kuti mumanye vinandi panji kusanga katundu munyakhe uyo waliko, chonde fumbani:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org